


**TRUTH  
CENTERED  
TRANSFORMATION**

**MODULE 2**



**UMBUSO KANKULUNKULU**

**Ugwalo lwababalisi**



Inguquko egxile eqinisweni –Ugwalo lwezifundo1: Isingeniso kunkozo egcweleyo Copyright ©2012 Reconciled World, Phoenix, Arizona, United States of America. [www.reconciledworld.org](http://www.reconciledworld.org)

Lumsebenzi wenziwe ngokomthetho weCreative Commons Attribution-ShareAlike 3.0 license. Uvunyelwe njalo uyakhuthazwa ukuwuguqula, ukuwukopa, ukuwupha, lokuwusabalalisa ulandela imigoqo elandelayo:

**Ukucaphuna** -- Kumele utshengise ukuthi ucaphunile kulumsebenzi ngokufaka okulandelayo uma uthe wawusebenzisa: Copyright © 2012. Published by the Reconciled World ([www.reconciledworld.org](http://www.reconciledworld.org)) Phansi kwemigoqo yeCommons Attribution-ShareAlike 3.0 license. Uma ufuna ukufunda lokhu ngobubanzi ungafika ku [www.creativecommons.org](http://www.creativecommons.org).

**Lumsebenzi Awuthengiswa** – akumelanga usebenzise lumsebenzi ukuthi uzuze imali.



Uma ufisa yinxenye yalaba abatolika lumsebenzi ungaya ebulenjini ku [info@tctprogram.org](mailto:info@tctprogram.org).

Yonke imibhalo esetshenziswe lapha ithethwe eBhayibhilini Elingcwele, ele New International Version®, NIV®. Copyright ©1973, 1978, 1984, 2011 by Biblica, Inc.TM esetshenziswa ngokwemvumo ka Zondervan. All rights reserved worldwide. [www.zondervan.com](http://www.zondervan.com) I “NIV” le “New International Version” ngama trademark avunyelweyo kwele United States Patent leTrademark Office eyeBiblica, Inc.TM

# Amazwi okubonga

Imqondo ekulezi mfundiso ayisiyo yami. Njengensukwini ngakhele phezu kwamahlombe alabo abangiqalelayo. Lumsebenzi uqiniswe ngumsebenzi weDisciple Nations Alliance ([disciplenations.org](http://disciplenations.org)). Amabandla amanengi afunde lumsebenzi ancede ukulolonga izifundo ngempumela yawo. Nginika ukubonga kwami kulamabandla ngokubekezela lapho ngisafunda ukukhuluma iqiniso ngendlela ezwisisekayo njalo elula ukusebenzisa.

Okunengi okumunyethwe kulolugwalo kuthethethwe embonweni esegwalweni luka Bob Moffit olulesihloko esithi “If Jesus was the Mayor” Imbono lezibonelo ezisetshenziswe esifundweni sesibili, esesihlanu lesesithupha kuthethwe kulolugwalo. Isifundo sesithathu, indlela zokuziphatha embusweni wezulu, uqiniswe yiBible study Guide elesihloko esithi “God’s Unshakable Kingdom” (kingdom Lifestyle Bible studies) elalotshwa nguDarrow Miller, Bob Moffit lo Scott Allen.

Loba ukuqiniswa kwalumsebenzi kuvele kwabanye, amaphutha ngawami. Lingazise nxa kulendlela engaqhuba ukulolongwa kwalolugwalo.

# Okumunyethweyo

<b>Ungakaqalisi .....</b>	<b>1</b>
<b>Isifundo sakuqala: Umbuso kaNkulunkulu.....</b>	<b>3</b>
Uyini umbuso kaNkulunkulu .....	3
Ukulalela ezintweni zonke.....	4
Akha umbuso kaNkulunkulu .....	5
<b>Isifundo sesibili: izigaba zaseMbusweni.....</b>	<b>6</b>
Umbuso osemhlabeni .....	6
UNKulunkulu njengombusi wezigaba zethu .....	6
UJesu engumkhokheli wesigaba .....	7
Ukuguquka kwesigaba enxeni zonke ezine.....	8
<b>Isifundo sesithathu: Indlela zokuziphatha embusweni wezulu .....</b>	<b>10</b>
Imithetho eyinsika .....	10
Ukusebenzisa iBhayibhili enxeni zonke zempilo zethu.....	12
Ukudinga izimiso zikaNkulunkulu .....	13
<b>Isifundo sesine: indlela zokuziphatha embusweni wezulu lomsebenzi.....</b>	<b>14</b>
Isingeniso .....	14
Ukukhangela umsebenzi ngendlela yeBhayibhili.....	15
Imhlobo yemisebenzi .....	15
UNKulunkulu ulendaba ngendlela esenza ngayo umsebenzi wethu.....	17
<b>Isifundo sesihlanu: Ukwakha umbuso kaNkulunkulu .....</b>	<b>19</b>
Kuqala ngathi.....	19
Isigaba esiguquliweyo .....	19
Singasiguqula njani isigaba sethu? .....	20
UBrother Lawrence .....	21
Kuvela emuntwini oyedwa kuye emulini kuye esigabeni .....	22
Izimuli.....	22
Izigaba.....	23
Ezinye izibonelo zabantu abakha umbuso kaNkulunkulu .....	25
Ukuba ngumakhi wombuso .....	27
<b>Isifundo sesithupha: Umsebenzi webandla ekwakheni umbuso kaNkulunkulu ..</b>	<b>28</b>
Isingeniso .....	28
Ukuhlomisa abantu .....	29
Kungani umuntu wonke emele asebenze? .....	30
Ukuguqula izimuli .....	31
Ukuguqula izigaba .....	31
<b>Isifundo sesikhombisa: Uhlelo lwenguquko egxile eqinisweni.....</b>	<b>34</b>
Isingeniso .....	34
Umbono womsebenzi .....	34
Ukuhlomisa amabandla .....	34
Ukuguqula isigaba .....	36
Indawo zenguquko.....	36
Indlela yokusebenza.....	37
Izihloko zemfundiso ezayo.....	38
<b>Isifundo sesitshiya ngalombili: amanyathelo alandelayo .....</b>	<b>39</b>
Kungani ukuhlela kuqakathekile .....	39

Imihlangano .....	40
Izenzo zothando .....	40
Amanyathelo okuhlela isenzo sothando .....	41

# Ungakaqalisi

## Ukulungiselela ukufundisa isifundo

1. Bala uzwisise ugwalo lwababalisi, uma kudingeka ukuthi uyiphindaphinde yenza kanjalo. Khanyisa loba ulobe imicijo emqoka eceleni kwephepha ukuze uyikhumbule uma usufundisa.
2. Khangelisisa injongo yesifundo sinye ngasinye ukuze wazi ukuthi abafundi bamele bafundeni kuleso sifundo.
3. Bala imibhalo ezasetshenziswa esifundweni isifundo singakaqalisi.
4. Bona ukuthi yiphi impahla yokusebenzisa oyidingayo kulesi sifundo, ubone ukuthi uyadinga lezo ndingakalo lempahlakuphathisa ezizasetshenziswa kuleso sifundo.
5. Bona ukuthi imisebenzi yonke emele yenziwe esifundweni uyayazi (imidlalo lempahlakuphathisa). Ungazama ukukwenza labangane loba lemuli yakho ungakayenzi phambi kwezifundi.
6. Thatha isikhathi ukhuleke, ukuze uNkulunkulu avule indlebe zezifundi ukuthi zizwe lokho uNkulunkulu afuna zikuzwe njalo akusize ukuthi ufundise kuhle. Khumbula ukuthi kungamandla kaNkulunkulu ukuze sibone abantu beguquka.

## Okungakunceda ekufundiseni

1. Fika masinyane ulungise ozafundisa ngakho lendawo ozabe ufundisela kiyo.
2. Ungafundisi ugijima. Phana iskhathi esaneleyo sokuxoxa ngesifundo, esemisebenzi lesamakhefu. Lokhu kwenzelwa ukuthi izifundi zibelesikhathi sokuzwisisa lokhuthi ziphathise esifundweni. Qhuba ngesiqubu izifundi ezizwisisa ngaso. Bona ukuthi zonke izifundi zizwisisile. Ezinye imfundiso zingathatha iskhathi eside esingaba lilanga lonke lengxenywe kusiya fika kunsuku ezimbili.
3. Hlala uhlola njalonzalo. Ekuqaleni kwesifundo hlola ukuthi izifundi sezifundeni emfundisweni lezi. Ukuphindaphinda kwenza abantu behlale bekhumbula abakufundileyo.
4. Landela ugwalo lwababalisisi lamanothi akho owalungisileyo.
5. Kumele ulandele inyathelo ezine sifundo sinye ngasinye.
  - a. Ngenisa inhloko yendaba – imisebenzi izabambanisa inhloko yendaba lalokho asebedlule kikho.
  - b. Nika ulwazi olutsha – kule ndlela ezinengi zokwabela ulwazi olutsha.
  - c. Nika izifundi umsebenzi ngalokho esezikufundile – imisebenzi yenza izifundi zizwisise ngcono lokho ezikufundileyo ngokusebenza labanye, ukudala into ezintsha; ukusebenzisa ulwazi olutsha loba ngayiphi indlela.
  - d. Bambanisa izifundo lempilo yazo yansukuzonke – leli linyathelo lokusebenzisa isifundo, linyathelo elincedisa izifundi ukuthi zikhethe ukuthi isifundo ezisifundileyo singasebenza njani empilweni zazo. Ukufunda ungasebenzisi ulwazi olutholayo empilweni akubisi nguquko njalo akuqakathekanga kangako.
6. Buyelela ulwazi lwakho lokufundisa abantu abadala lezinye imfundiso owazifunda kuhlelo lokufundisa abafundisayo olweFacilitator Development training.
  - a. Phana iziqondiso ezizwisisekayo.
  - b. Buza imibuzo eminengi.
  - c. Bonga izifundi ngokuphathisa kwazo ezifundweni.

- d. Ungazisi izifundi ukuthi zizafundani kungcono zizicengele ulwazi.
  - e. Qala izifundo zakho phezu kwezinto izifundi ezizaziyo, nanzelela ulwazi lwazo.
  - f. Bekezela ulindele izifundi ziphendule.
7. Kuthaza wonke umuntu ukuthi aphathise njalo abelane labanye uma izifundo zisaqhuba. Dinga indlela zokwenza abalehloni baphathise labo ungazange wabayangisa.
  8. Khuleka kuNkulunkulu ukuthi alambulele izinto ezitsha (wena lezifundi zakho).

## Ukusetshenziswa kogwalo lwababalisi

1. **Injongo zesihloko lokuzasetshenziswa:** isifundo sinye ngasinye siqala ngenyathelo leli.
  - a. **Injongo zesihloko** - izifundi kumele zenelise ukugcwalisela lezinjongo ekupheleni kwesifundo sinye ngasinye. Kuhle ukuzibuza ukuthi wenelisile yini ukuze injongo zesifundo ngemva kwesifundo sakho. Thatha isikhathi ubuyelele imicijo emqoka ukuze usize izifundi zihlale ziyikhumbula.
  - b. **Impahla yokusebenzisa** - Konke okusetshenziswayo esifundweni sinye ngasinye kulotshiwe ekuqaleni kwesifundo sinye ngasinye, lokhu kugqela izibonelo ezibambekayo lamanothi anikwa abafundi. Ungakhetha ukwenzela izifundi zonke amanothi loba ukwenza amalutshwane aqanjwayo esifundweni. Siyakhuthaza njalo ukuthi ube lomduli wokubhalela ongawusebenzisa uma ulabafundi abanengi.
2. **Iziqondiso zoqhuba uhlelo:** Kule ziqondiso eziqakathekileyo esifundweni ezikunceda ukuthi ukhokhele izifundo kuhle. Alezo ziqondisa akumelanga uzabele abafundi. Umele uzibale usalungiselela isifundo ukuze wazi ukukhokhela ingxoxo lemisebenzi esifundweni. Eminye imbuzo iyabe ilempendulo ezilotshwe ngama italika ukuze zikusize njengomqondisi ukuthi umele utholeni ezifundini. Lezi mpendulo ayisizo zodwa eziqondileyo kodwa ziyinxenye yezimpendulo eziqondileyo.
3. **Ukusetshenziswa kwesikhathi lokuqhuba kwesifundo:** akula mgoqo wesikhathi ofakiweyo owokuqhuba kwesifundo sinye ngasinye.
  - a. Thata isikhathi esidingakalayo ukuze usize izifundi zifunde imbono emitsha esezifundweni lezi. Kuqakathekile ukuzidla ngokuthi izifundo ziyabambeka na ezifundini kulokuqeda isifundo ngesikhathi esibekiweyo.
  - b. Khumbula ukutshiyela abaqondisi isikhathi sokuthi baqale ngokuzinikela emthandazweni, banikeze ubufakazi, baxoxe ngobunzima abalabo uma belabo likhuleleke ndawonye.

# Isifundo sakuqala: Umbuso kaNkulunkulu

## Umbono omqoka

1. Ukuzwisisa ukuthi umbuso kaNkulunkulu ukhona nxa silalela imilayo kaNkulunkulu ngokugcweleyo.
2. Ukuzwisisa ukuthi lumbuso uyakhula nxa abantu abanengi belalela uNkulunkulu njalo nxa simlalela ngokugcweleyo.

## Impahla yokusenzisa

1. Akula

## Uyini umbuso kaNkulunkulu

---

UJesu ehamba emhlabeni wakhuluma ngohlelo lwakhe. Loluhlelo lukhulunywe kamatshumi ayisitshiya galolunye lasitshiya galombili (98) eThesamenteni elitsha. UJesu uthi luyinjongo yokuthunywa kwakhe, uthuma abafundi bakhe ukuthi bafundise ngalo njalo. UPawuli laye wakhuluma ngalo njalo siyakhuthazwa ukuthi silukhulekele loluhlelo.

- Uyalwazi na loluhlelo?

## XOXANI LISEMAQENJINI AMANCANE

Fundani amavesi alandelayo beseliphendula imibuzo elandelayo:

- UMathewu 10:5-8 — UJesu uthuma abafundi bakhe ukuthi bayofundisa ngani?
- ULuka 4:43 — kungani uJesu wathunywa?
- Imisebenzi 1:3 — UJesu wafundisa ngani ngensuku zakhe ezingamatshumi amane ezokucina emhlabeni?
- Imisebenzi 28:30-31 — UPawuli wafundisa mayilana ngani?

Uhlelo luka Nkulunkulu ngolokwakha umbuso kaNkulunkulu. Njengoba sibona emavesini la, lo ngumbono omqoka owafundiswa nguJesu loPawuli. Umele uqakatheke njalo lakithi. Inengi lethu alizwisi amazwi la athi “umbuso kaNkulunkulu.”

- Khangela komunye ucabange ukuthi ungawuchaza njani umbuso kaNkulunkulu emuntwini osanda kuphenduka.

**Abela iqembu lonke impendulo zakho.**



Umbuso kaNkulunkulu awukho nzima ukuchaza. Umbuso kaNkulunkulu kulapho uJesu ayiNkosi khona, lapho imilayo yakhe elandelwa khona. Ngakho lapho esibona abantu behamba ngokulalela uNkulunkulu belandela izifiso zakhe, kulokuyinxenye koMBuso kaNkulunkulu. Kusegcekeni ukuthi umbuso kaNkulunkulu ngeke ubuye ngokugcweleyo uJesu aze ayophenduka yonke into iyenziwe ibe intsha ibe ingela sono.

Ukuthi sizwisise ngcono asicabangeningeThailand. I Thailand ngumbuso: ulenkosi, lapho inkosi ekhuluma khona abantu baseThailand bayalalela. Inkosi ingathi ithanda umbala olithanga, ngakho abantu bonke sebegqoka ihembe ezilithanga ngoMvulo. Ithi umkayo uthanda ububende, ngakho abantu bonke sebegqoka izikipa eziyibubende ngolwesihlanu. Ithandwa okwamagama okokuthi ngokuqamba umbala awuthandayo uthinta indlela abantu abagqoka ngayo.

Eminyakeni emilutshwana edluleyo, amasotsha aqala ukubusa uhulumende weThailand. Kwalwiwa ezitaladeni. Abakhuthaza uhulumende besilwa labakhuthaza amasotsha. Abantu bonke babengahlalisekanga besithi kuzaqhubeka kusiba nzima. Inkosi yakhuluma yathi abantu bame ukulwa kubelokhetho. Impi yaphela khonaphokhonapho. Akula owaphikisana leNkosi, wonke umuntu wenza lokho okwakhulunywa yinkosi. Lanxa abanye babelokhu befuthelene, kwakungaselani. Inkosi yayisikhulumile, ukuthokozisa inkosi kwakuqakatheke ukwedlula imizwa yabo.

Ngokunjalo lathi silayo inkosi –uJesu yiNkosi yethu. Akumelanga sidinge ukumthokozisa lokwenza konke akutshoyo na njengokwenziwa ngabantu beThailand bethokozisa inkosi yabo? Nxa abantu beThailand bethanda inkosi yabo okokuthi ingathi ithanda umbala othile indlela laba abantu abagqoka ngayo iyathinteka, impilo zethu akumelanga zithintwe luthando esilalo kuNkosi yethu uJesu na?

## INGXOXO YEQEMBU ELIKHULU

- Kukho konke esikwenzayo sidinga ukuthokozisa iNkosi yethu na? Kungani?
- Yiziphi ingxenye zempilo zethu ezidinga ukukufundiswa ukulalela Nkulunkulu ngendlela engcono?

## Ukulalela ezintweni zonke

---

UNkulunkulu ufuna simthokozise njalo simphakamise ngazozonke izikhathi. Bala AbaseKolose 3:17 lo 1 AbaseKorinte 10:31. Amavesi la asitshela ukuthi, kukho konke esikwenzayo, kumele sinikeze udumo kuNkulunkulu. Amavesi la ngobubili bawo aphinda amazwi okuthi konke esikwenzayo: kwabaseKolose, “Njalo **konke loba yini** eliyenzayo, **elizwini loba esenzweni**, konke kwenzeni ebizweni leNkosi uJesu, libonge uNkulunkulu loBaba ngaye.” KwabaseKorinte, “Ngakho **uba lisidla, loba linatha, loba lisenzani**, konke kwenzeleni udumo lukaNkulunkulu.” Uma ulutho luphindiwe ebhayibhileni, kwejwayele ukutshengisa ukuthi kungumqondo oqakathekileyo. UPawuli ufuna sizwisise ukuthi KONKE esikwenzayo kumele kunikeze udumo kuNkulunkulu.

## INGXOXO YEQEMBU ELIKHULU

- Yiziphi ezinye izinto esizenzayo langa ngelanga? (bhala emdulini wokubhalela)
- Singaletha njani udumo kuNkulunkulu nxa sisenza konke okuqanjweyo? (khangelani okulotshe emdulini wokubhalela, kunye ngakunye)

Kumele silalele iNkosi yethu okweqiniso siyithokozisenjalo. UNkulunkulu usenzele okunengi, wathumela indodana yakhe ukuthi izosifela. Nxa sikhangela isipho sakhe esikhulu kumele sibe lesifiso sokulalela imilayo yakhe.

## **Akha umbuso kaNkulunkulu**

---

Bala UMathewu 6:9-10

- UJesu ucela ukuthi sikhulekeleni?
- Sikubona njani ukuza kombuso wakhe?

UNkulunkulu ufuna ukwakha umbuso wakhe lapha emhlabeni. (Umbuso wakho kawuze.) Umbuso wakhe wakhiwa emhlabeni ngabantu abenza intando yakhe. (Intando yakho kayenziwe.)

Kulendlela ezimqoka ezimbili esingazisebenzisa ukwakha umbuso kaNkulunkulu. Eyakuqala, ngeyokwengeza inani labantu abasembusweni kaNkulunkulu ngokubona abantu besindiswa. Eyesibili ngeyokubona intando kaNkulunkulu isenziwa ngabantu. Njengoba sifundile, UJesu weza ukuzobuyisa zonke izinto (AbaseKolose 1:18–20).

Nxa sifuna ukubona intando kaNkulunkulu isenziwa, kumele sibone ukuthi abantu bayasindiswa njalo bayamalalela uNkulunkulu njalo kumele sibone abantu bephila njengokufisa kukaNkulunkulu inxa ZONKE zempilo zabo.

# Isifundo sesibili: izigaba zaseMbusweni

## Umbono omqoka

1. Zwisisa ukuthi eqinisweni singabe siphila ngokomlayo na, kumele sibone isigaba sonke sesifana lombuso kaNkulunkulu.

## Impahla yokusebenzisa

1. Amanothi 2.1 izindatshana zesigaba
2. Amaphepha amakhulu
3. Amakilayoni(crayons) loba amamakha(markers)

## Umbuso osemhlabeni

---

Cabanga ukuthi kungaba njani ukuba lombuso kaNkulunkulu emhlabeni? EThesamenteni elitsha sibona izibonelo ezinengi ezitshengisa indlela amaKristu akuqala ayehlangana ndawonye edala umbuso kaNkulunkulu.

Bala Imisebenzi 2:42-47

- Amakholwa amatsha enzani?
- Lezi zinto ngezikamoya loba ngenyama? (ngobubili)
- Kwaba lempumela bani?
  - *Akekho owaswelayo, bathandeka ebantwini, abantu abanengi bakholwa.*
- Yimpumela bani okumele siyibone ezigabeni zethu singaba lobudlelwano obufano lalobo obamakholwa akuqala?

## UNkulunkulu njengombusi wezigaba zethu

---

UNkulunkulu ufuna ukubona izigaba zethu ziphila ngendlela afisa ngayo. Akafisi ukuthi intando yakhe siyenze empilweni zethu kuphela kodwa lasezigabeni zethu njalo.

## Emaqenjini amancane

**Iziqondiso:** Bala indatshana ezilandelayo uphendule imbuzo. (AMANOTHI 2.1)

Enye indonda kwelaMaNdiya yahamba yayokwethekelela kwamanye amakhaya lapho eyayike yasebenzela khona. Yabuza omama ababehlala kuleyo ndawo ukuba ngabe uJesu nguyey owayesongamela leyo ndawo ngabe leso sigaba sasinjani. U Umrayi omunye wabafazi ababekhululekile, wachaza isigaba esasilokubambana lokusebenzela ndawonye. Wayesazi ukuthi indlela isigaba esasingabambananga ngayo yayingamhloniphisi uJesu. Umuzi munye ngamunye wawuziphilela wodwa. Ngenxa yempendulo yakhe, omama bakulesi sigaba baqala ikhomithi ekhangelana ngenzempilakahle leqembu lokuzinceda. Omama abalitshumi lane ababekuleli qembu

lokuzinceda baqala ukuthakazelela ukuhlanguka ngezikhathi ababazivumelana. Iqembu leli lalihlanganisa imadlana ezazivela kulabo ababeseqenjini leli, limadlana yayifakwa ndawonye. Laqala ukuncedisa isigaba lapho esasihlangana lenhlupho khona. U umrayi waba nguyeyi umongameli waleli qembu, wasebenzisa isipho sakhe sokukhokhela ukuhlela lokuhlanguka isigaba ukuthi senze izinto uJesu ayengazenza nxa engumongameli waleso sigaba.

Amanye amakhosikazi ayevela funda iBhayibhili kwele Yuganda, akhetha ukusebenzela isigaba sawo ngendlela uJesu ayesebenza ngayo. Bahlela umsebenzi wabo wokwenza wakuqala: ukuhlanguka incekekeza eyayiseduze kwebhawa lakuleso isigaba. Amakhosikazi amabili avela kuleli qembu aqunga isibindi angena kulelobhawa ayocela imvumo yokuhlanguka leyo ncekenza. (esikhathini esinengi omama abangena emabhawa ngabanga mabele endlela.) Abanikazi baleyo ndawo bamangala, bahleka kodwa babanikeza imvumo. Lawa makhosikazi adinga abantu ababazancedisa esigabeni, abanengi bazinikela. Leliqembu lagebha amagodi amabili; elinye lalingena ingcekeza ebolayo kwelinye kungena ingcekeza ebolayo. Abajwayele ukusebenzisa ibhawa bathi bebona abanye behlanguka ingcekeza yabo labo baqala ukuncedisa. Okwathokozisa isigaba yikuthi ngemva kwalesi senzo abanikazi bebhawa baqhubeka begcina lindawo ihlanzekile.

Bekhuthazekile, omama laba bakhetha ukwakhela imuli eziyisitshiyagalo lunye izitofu ezisebenzisa amandla amalutshwana lokunika imbiza zokugcinela amanzi kulabo abaswelayo. Okwalandelayo, iqembu elaliyo funda ibhayibhili lenza umsebenzi omkhulu kulowakuqala; umkambo wesigaba. Omama bakulesi sigaba babajwayele ukuhamba umango omude, bethwele imibhida lempahla zabo zokuthengisa. Umkambo oseduze wawuzabavumela ukwenza imali beseduze lemuli, isigaba lezivande zabo. Indawo yokwakhela yanikelwa kodwa yayiqanse kakhulu ukuthi kuqale ukwakhwa umkambo. Akhuleka lawa makhosikazi, amadoda ayesebenza ukulungisa umgwaqo ayesebenzela bucwadlana eza azolinganisa lindawo engabhadalwanga. Ngokusizwa nguNkulunkulu omama lababazusa bahlanganisa okokusebenzisa, bagcina imali, benelisa ukulungisa okwakubakhathaza abahlangana lakho, bawakha umkambo. Bakhula emoyeni besebenzela abanye bemele uJesu.

**Xoxa:**

- Kwenzakalani kundatshana yinye ngayinye?
- Ngenxa yabantu abakulezi ndatshana, izigaba lezi zenelisa yini ukusondela endleleni okwakungaba ngayo nxa umuntu wonke angaphila ngendlela uJesu afisa ngayo? Kungani?
- Yiphi eminye yemisebenzi eyenziwa ngamaqembu akulezi zindatshana?
- Ungakwenza njani okufana lalokhu esigabeni sakho?

## **UJesu engumkhokheli wesigaba**

### **IQEMBU ELIKHULU**

Cabanga ukuthi ngabe uJesu nguyeyi umkhokheli wesigaba sakho. Ubona angathi angaqala ngokuguqulani?

**Iziqondiso:** Uma iqembu likhangele ukuguqula amakhosi kuphela, likhumbuze ukuthi uJesu esesemhlabeni kazange waguqula amakhosi. Abafundi bakhe babekhangelele ukuthi uzaguqula inkokheli eyayikhona emhlabeni kodwa akazange wakwenza lokho. Wasebenza labantu eletha inguquko emuntwini munye ngamunye. Kululuhlelo sijonge ukuphila ngendlela uNkulunkulu afisa ngayo njalo sincede abanye benze okufanayo.

*Uma iqembu lithwala nzima ukucabanga, ungasebenzisa imbuzo elandelayo ukuqala ingxoxo:*

- UJesu angenzani ngabafelokazi lezintandane?
- Engaziqinisa njani izimuli?
- Angandisa njani amanzi okunatha ahlanzekileyo, angenzani ukuthi abantu bazuze izindlu lokudla okwaneleyo, ukuthi bathole uncendo lwezempilakahle ngendlela efaneleyo, ukuthi ingcekeza ihambe lapho okumele iyekhona, lokuthi kube lemigwaqo elungiswe kuhle?
- Kungenziwani ngemfundo yabantwana leyabadala?
- Angenzani ngokungasetshenziswa kuhle kwezidakamizwa, amakhasi lezinye izidakamizwa?
- Angenzani ngokuhlukunyezwa kwabantwana labadala?
- Angenzani ukuthi aqinise ubudlelwano phakathi kwabantu?

## **Ukuguquka kwesigaba enxeni zonke ezine.**

- Usakhumbula indlela ezine okumele sikhule kuzo ezifana lezikaJesu? (ULuka 2:52)
  - *Ukuhlakanipha, Enyameni, Okwenhlalo and Emoyeni.*

Umbuso kaNkulunkulu uletha inguquko enxeni zonke ezine. Nxa sifuna ukubona izigaba zethu zisiba njengombuso kaNkulunkulu, kumele sibone inxa zonke ezine ziguquka ezigabeni zethu.

### **EMAQENJINI AMANCANE**

**Iziqondiso:** Ehlukanisa izifundi zibengamaqembu uzicele ukuthi zithathe isikhatshana zixoxa ngesigaba uqobo ukuthi simele sibe njani. Zicele ukuthi zicabange ngenxa yomoya, eyanyama, eyenhlalo leyokuhlakanipha. Zicele ukuthi zidwebe umfanekiso wokuthi uJesu angafisa isigaba sabo sibe njani.

### **Chasisa:**

UNkulunkulu uyalangazelela ukubona izigaba zethu ziguquka zisiba njengo mbuso wakhe. Wasikhuthaza ukuthi sikhulelekele umbuso wakhe njengasezulwini wasitshela njalo ukuthi kumele siqale sidinge umbuso wakhe.

Cabanga ukuthi kungaba njani ukuhlala esigabeni lapho wonke umuntu alalela khona uNkulunkulu? Kuyabe kulemuli ezithokozayo, omakhelwane abakhululekileyo, abantu bencedisana, kuphilwa ngokuthobelana. Kuyabe kungekho ukuphikisana, ukulwa lokungazwani. Uyafisa na ukuhlala esigabeni esinjalo?

Indlela uJesu ayisebenzisayo ukuletha umbuso wakhe yithi. Sizafunda okunengi ngalokhu esifundweni sesine, kodwa okwakathesi asicabangeni ngalokhu: *(bala lokhu okulandalelayo kancanekancane unike abantu isikhathi sokucabanga impendulo.)*

- Kungenzakalani uma ksasa wonke muntu ebandleni angavuka ekseni ngehola lesithupha esesenza ngendlela uJesu afisa ngayo?
- Kungenzakalani kithi uma singalalela ngokugcweleyo uNkulunkulu asifisela khona ebudlelwaneni bethu, ekunakekeleni imizimba yethu lasekuhambeni kwethu laye?
- Kungenzakalani emulini zethu uma wonke umuntu engalalela uNkulunkulu akufisayo ngobudlelwano bakhe labanye?
- Kungenzakalani ebandleni lethu lakwamanye amabandla asesigabeni sethu uma bonke abakhokheli labantu bengathandana okweqiniso, basebenzelane, banakekele abangela mandla labaswelayo njalo baphile ngokuthula?

UNkulunkulu usinike umbono othokozisayo: umbono wombuso wakhe usiza emhlabeni. Ufuna sibe yinxenye yokwakhiwa kombuso wakhe emhlabeni. Cabanga ukuthi umhlaba ungaba njani uma wonke umuntu engalalela uNkulunkulu. Kungaba njengezulu! Loba sisazi ukuthi lokhu akusoze kugcwaliseke uJesuaze ayobuya, singaqala ukusebenza ngalombono esawunikwa nguNkulunkulu.

Nsukuzonke kumele sivuke sicabanga ukuthi, ngingawakha njani umbuso kaNkulunkulu namhla? Ngingenzani ukuthi ngengezeumbuso kaNkulunkulu? Ngiphile njani ukuthi ngiphile ngokomlayo kaNkulunkulu? Ngingayanceda njani imuli yami ukuthi yenze okufanayo?

# Isifundo sesithathu: Indlela zokuziphatha embusweni wezulu

## Imqondo emqoka

1. Zwisisa ukuthi inkinga ezisezigabeni zethu zingalungiswa ngokulalela uNkulunkulu ngokugcweleyo.
2. Bona ukuthi umbuso kaNkulunkulu uza sisebenzisa iBhayibhili enxeni zonke zempilo zethu.
3. Bona ukuthi indlela zeBhayibhili zehlukene lindlela esiziphatha ngayo ezigabeni zethu.
4. Zwisisa ukuthi indlela zeBhayibhili sizithola ekufundeni iBhayibhili.

## Impahla yokusebenza

1. Amanothi 3.1 iphepha lomsebenzi lindlela yokuziphatha yombuso wezulu.
2. Amaphepha emithetho eyinsika

## Imithetho eyinsika

---

Asiqaleni ngokukhangela indlela ezintathu eziqakathekileyo.

### 1. Umhlaba wephuke okwamagama. Ulwazi lomuntu lempahla zokusebenzisa ngeke kuwupholise.

- Yiziphi ezinye izibonelo zempumela yesono emhlabeni?  
*Impendulo ongazithola*
  - Ukungasetshenziswa kuhle kwezidakamizwa/ amakhasi/ ukuphinga
  - Imuli ezehlukeneyo
  - Ukulwa okungaphakathi kwabantu

### Bala indatshana elandelayo:

Ilizwe leHayithi liyisibonelo sokwephuka okungelungiswe yilwazi lomuntu lempahla yokusebenzisa. IHayithi yilizwe eliswela kulawo wonke amazwe ezansi lasenkabazweni yaseMelika. Lilabantu abazinkulungwane eziyisithiyangalombili. Kusukela ngomnyaka ka1980, izigidi zenhlelo zamahulumende ehlukeneyo, lenhlanganyelo ezingaso zikahulumende ziphethwe kuleli lizwe. Izigidi zemali sezisetshenzisiwe kuzanywa ukuncedisa inhlupho kwezenotho, kwezenhlalo, lezikamoya zakuleli. Loba kunjalo akuguqukanga lutho. Ngo2004 amanye amazwe lezinhlanguyele zawo anikeza ezinye izigidi zemali ukuthi kulungiswe ilizwe leHayithi.

Sokwenziwe konke lokhu, iHayithi ayiguqukanga ngitsho. Abantu lokhe behlupheka, kabasela themba. 80% yabantu bakhonale bayadubeka. Akula mafekithali lamabhizimusi kuleli lizwe, wonke sewavalwa. 70% yabantu ayiqatshwanga. 10% yabantwa ayifiki iminyaka emine. Abantu banengi ukwedlula indawo yokuhlala, akula zindlu eziqinileyo, izitalad zigcwele ingcekeza. Ubugebenga abenqabeleki. Imigwaqo isesimeni esingenziyo amanzi okunathi awaneli wonke umuntu.

Emaphandleni khona kunzima okwedlula lapha. Ngemva kweminyaka yokugamula izihlahla lokugugudeka komhlabathi, izakhamizi azilalutho olungazenqabela ezavunguzaneni njalo azisela ndawo yokulima evundileyo.

Langemali eyasetshenziswayo imqondo yezazi, akula mahluko osukhona. Impahla zenotho, lemqondo yezazi zomhlaba wonke kwehlulekile ukusilisa ilizwe leli.

- Kulomumo bani eHayithi?
- Kusetshenziswe malini eHayithi?
- Kwaba lempumela bani?
- Ubonangani lokhu kubangelwa yikuyini?

Umhlaba wephukile njalo imbonoyethu ayoneli ukuwulungisa. EHayithi loba kube lezigidi lezinkulungwane zamadola, lezazi eziyinkulungwane isimo sakulelo asizange sabangcono. Lokhu kuliqiniso emhlabeni wonke jikelele, hatshi eHayithi kuphela. Ngemva kokucitha amabhiliyoni amadola angamatshumi amahlanu, lokuthumela inkulungwane zezazi, ilizwe leli selidubeka kakhulu okwedlula indlela elalidubeka ngayo eminyakeni engamatshumi amabili edluleyo. Ulwazi lwabantu lempahla yokusebenzisa akwanelanga ukuthi kusilise umhlaba wethu. Kukhona okunye okunengi esikudingayo.

**Ukusiliswa kweLizwe kubakhona uma abantu bephendula uNkulunkulu njalo bephila ngendlela abaqondisa ngayo.**

Bala 2 Imilando 7:14

- Ibhayibhali lithi kumele senzeni?
- Ngobani abamele bakwenze – ngamaKhristu kumbe ngabangaso maKhristu?
- Kuzenzakalani uma singenza lezi zinto?
- Ukholwa ukuthi livesi iqondile na?
- Kumele senzeni uma sifuna ukubona isigaba sethu sisiliswa?

UNKulunkulu uyafuna ukubona izigaba zethu zisiliswa. UJesu weza ukuzo buyisa izinto zonke. Loba kunjalo usebenza ngathi. Uma singakhuleki, singazili ukudla lokuhamba endleleni yokulalela uNkulunkulu akusoze kube lokusiliswa! Ukusiliswa kwezigaba nguNkulunkulu kuza kuphela uma singenza lezi zinto. Uyafuna na ukuthi isigaba sakho sisiliswe? Uzimisele na ukwenza lezi zinto?

## **2. Ibhayibhili lisitshela ukuthi kumele siphile njaniukuze sisilise amazwe ethu njalo sakhe umbuso kaNkulunkulu.**

Kwezinye izikhathi uma singathenga ulutho siphilwa ugwalo oluleziqondiso zokusebenzisa lolo lutho. Lolo gwalo luyabe lwalotshwa yiKampani eyabe yalungisa lolo lutho. Bayakwazi ukuthi lusetshenziswa njani ukuze luhlale isikhathi eside lungafanga. Uma sifuna impumela enhle entweni yethu entsha, kuqakathekile ukuthi sifunde ugwalo olule ziqondiso zokusebenzisa.

UNKulunkulu laye uyafana. Wadala wenza umhlaba. Wasidala wasenza thina. Uyakwazi ukwenza umhlaba lempilo zethu zibe kahle njalo laye waloba ugwalo oluleziqondiso. Lolugwalo luthiwa liBhayibhali. EBhayibhili uyasitshela ukuthi siphile njani impilo zethu. IBhayibhili lilazo zonke iziqondiso lokuhkanipha esikudingayo ukuze sisilise umhlaba lezigaba zethu ezphukileyo. Kudingeka



ukuthi sibale, sizwisise njalo sisebenzise lokho okulotshiweyo enxeni zonke zempilo zethu uma sifuna impilo enhle njalo nxa sifuna ukubona izigaba zethu ziguquliwe.

**Iziqondiso:** *Hlola njalo imqondo le emithathu usebenzisa amakhadi. Bona ukuthi izifundi ziyazwisisa ikhadi linye ngalinye.*

- Sifundeni ngendla yokusilisa umhlaba wethu?
- Singahamba njani ngendlela yokulalela uNkulunkulu?
  - Kumele sibale iBhayibhili silisebenzise enxeni zonke zempilo zethu.
- UNkulunkulu uthembise ukuthi kuzenzakalani uma singalalela?

## **Ukusebenzisa iBhayibhili enxeni zonke zempilo zethu**

Uma ungabala indatshana zika Jesu esaphila emhlabeni uzabona ukuthi abafundi bakhe babelembono ehlukeneyo ngokuthi uJesu wayemele abuse njani kulendlela ayebusa ngayo.

Bala UMarko 10:35-37,41-45.

- UJames loJohane babexoxa ngani?
- UJesu wathi abakhokheli kumele benze njani?

UJames lo John babecabanga njengesintu sabo. Babefuna ukubusa abanye njalo babecabanga ngosuku ababezakuba ngabakhokheli abakhulu. Kodwa uJesu wabaqondisa wabazisa ukuthi umkhokheli omkhulu yena uvele unjani: umkhokheli omkhulu yingceku.

- Ubona angathi impilo yengceku yayinjani ngaleso sikhathi?
- Ubona angani abafundi bezwa njani besizwa lokhu?

Lokhu yikho okuvame ukwenzeka. Indlela lamasiko omhlaba ayisiyo indlela kaNkulunkulu. Kumele sazi indlela kaNkulunkulu uma sizakwakha umbuso kaNkulunkulu lapha emhlabeni. UNkulunkulu usinikile iBhayibhili, elisithela ukuthi siphile njani ukuze sijabulise uNkulunkulu.

## **EMAQENJINI AMANCANE**

Gcwalisani izikhala ezilandelayo (Amanothi 3.1). Kumqondo munye ngamunye cabanga ukuthi isintu sakini sithini. Ube usukhangela amavesi ubone ukuthi iBhayibhili lithi kumele senzeni

<b>Indlela yokuziphatha</b>	<b>Umbhalo</b>	<b>Isintu sethu/ Umkhuba</b>	<b>Umbuso kaNkulunkulu</b>
Kumele senze njani njengomyeni	AbaseKolose 3:19 1 UPetro 3:7 Abase-Efesu 5:25, 28, 33		
Kumele senze njani njengomakoti	UGenesise 2:18 Abase-Efesu 5:22-24, 33		

Kumele sibaphathe njani abantwana	Izihlabelelo 127:3 Abase-Efesu 6:4		
Kumele sibaphathe njani abantu	UMathewu 22:36-40 ULuka 10:25-37		
Kumele siziphathe njani izitha zethu	ULuka 6:27-31		
Isimo sengqondo zethu uma sikhangele umsebenzi	AbaseKolose 3:22-4:1 Abase-Efesu 6:7-8		
Isimo sengqondo uma sikhangele imvelo	Izihlabelelo 24:1 UGenesise 1:28-30 UGenesise 2:15		
Okuqakatheke kakhulu	UMathewu 6:25-34 UMathewu 22:36-40		
Isimo sengqondo uma sikhangele ukufa	UJohane 11:25-26 AmaHebheru 2:14-15 Isambulelo 1:17-18		
Isimo sengqondo uma sikhangele ukuhlupheka	ULuka 6:22-23 2 AbaseKorinte 1:8-11		

## **Ukudinga izimiso zikaNkulunkulu**

Kule iviki uma ubala iBhayibhili kumele uqale ukudinga izimiso zikaNkulunkulu ongazisebenzisa empilweni yakho. Uma ubala isahluko kumbe indinyana zibuze limbuzo emine:

- Indinyana le ingifundisani ngoNkulunkulu?
- Indinyana le ingifundisa ukuthi kumele ngiphile njani?
- Indinyana le ingifundisa ukuthi ngiphathe njani abanye?
- Indinyana le ingifundisa ngiphathe njani imvelo kumbe ukuthi kumele ngisebenze njani kumebe ngisebenzise njani imali njalonzalo?

# Isifundo sesine: indlela zokuziphatha embusweni wezulu lomsebenzi

## Inhloso emqoka

1. Umsebenzi uyindawo eqakathekileyo empilweni zethu lapho esingaletha udumo kuNkulunkulu. Ibhayibhili lisitshengisa ukuthi silalele njani emsebenzini yethu lokuthi sisebenze njani ngendlela edumisa uNkulunkulu.

## Impahla yokusebenzisa

1. Amanothi 4.1 uhlelo lwengxoxo yeqembu elincane
2. Uluhlu lwendlela yokusebenza lukaJohane Wisili

## Isingeniso

---

### INGXOXO YEQEMBU ELIKHULU

- Umsebenzi wona ubonakala uyinto enhle loba embi?
- Yiziphi izaga elimini lwenu esikhuluma ngomsebenzi?

### UGenesise 1:28

- Yiphi imilayo eyakuqala uNkulunkulu ayinikeza uAdam?
- Lokhu kwenzakala phambi kokuba uAdamu esewonile ngokudla isithelo na, loba kwenzakala ngemva kwesono sakhe?

### UGenesise 2:2

- UNkulunkulu uphumula ukwenzani?

### UMarko 6:1-3

- UJesu wayesenza umsebenzi bani engakaqali ukufundisa?

Njengoba sibona kulawa amavesi uNkulunkulu wayesebenza, njalo njengoba senziwa esimeni sikaNkulunkulu senzelwa ukuthi sisebenze. Kusakela ekuqaleni kwesikhathi. Isono singakangeni emhlabeni, umuntu wayesebenza.

Embalweni kaRuthe, sifunda ngoRuthe. Usinda endlaleni loninazala njalo uyadubeka. Babuyela eMowabhi ngoba bezwe kuthwa ukudla sokukhona khonangale. URuthe uthola umsebenzi ensimini kaBhowazi, omthandayo njalo obakwazi ngaye lalokho asekwenzele uninazala.

- UBhowazi wenzani ukuthi ancedise uRuthe? (URuthe 2:15-16)
- Ubona angani kungani engamnikanga bhali nje?

- Ngoba sadalelwa ukusebenza, ngakho lokhu sithola isizotha ekusebenzeni kulokuba yilabo abatshona belindele ukuncediswa. Ngokwenza lokhu uBhowazi unika uRuthe isizotha.

## **Ukukhangela umsebenzi ngendlela yeBhayibhili**

---

### **EMAQENJINI AMANCANE**

Lisebenzisa amanothi 4.1 xoxani. Yiziphi ezinye izizatho zokusebenza? Sebenzisa amavesi alandelayo leminyane imbono osuyitholile esifundweni lesi.

- 1 AbaseThesalonika 4:11-12
- 1 UTimothi 5:8
- Abase-Efesu 4:28
- 1 AbaseKorinte 10:31

### **INGXOXO YEQEMBU ELIKHULU**

- Ubona angani uNkulunkulu ufuna sisebenze na?
- Abantu balomcabango bani ngomsebenzi?
- UNkulunkulu ahlanyela isivande, kumbe uJesu engumbazi, ubona angani wayelomcabango bani?
- Singenza njani ukuthi sibe lomcabango ofana lokaNkulunkulu?
- Singabancedisa njani abanye ukuthi babe lomcabango ofana lokaNkulunkulu ngomsebenzi yabo?

### **WEDWA**

- Ulomcabango bani ngomsebenzi wakho?
- Kulesingo sokuthi uguqule umcabango wakho na?

Khulekela ukuthi uNkulunkulu akuncedise ubone umsebenzi wakho ngendlela awubona ngawo najlo akuphe umcabango ofana lowakhe.

## **Imhlobo yemisebenzi**

---

### **INGXOXO YEQEMBU ELIKHULU**

- Ubona angathi meinye imihlobo yemisebenzi iqakathekile ukwedlula eminye na? Yini enza limsebenzi iqakatheke kakhulu?

### **EMAQENJINI AMANCANE**

- UNkulunkulu wamnika msebenzi bani uAdamu?
- UNkulunkulu wamnika msebenzi bani uNowa?
- UNkulunkulu wamnika msebenzi bani uJosefa?

- UNkulunkulu wamnika msebenzi bani uDaniyeli?
- UNkulunkulu wamnika msebenzi bani uGidiyoni?
- UNkulunkulu wamnika msebenzi bani uMozisi?
- UNkulunkulu wamnika msebenzi bani uDavida?
- Ubona angani uNkulunkulu wayengathanda ukuthi abantu laba bakhokhele ibandla kumbe batshumayele kulokuthi benze umsebenzi ayebanike wona na?
- Ubona angathi uNkulunkulu wayebathathela phansi laba bantu, kumbe wayebabona bengaqakathekanga kula baPristi? Isibonelo, umsebenzi kaMozisi wawuphansi koka Aroni na?

Umbono wokuthi eminye imsebenzi iphezu kweminye njalo eminye imsebenzi iphansi awukho ebhayibhilini. Lumbono wawuyingxenye yesiko lamaGiriki elaba yingxenye yokucabanga kwesiKristu kwaze kwafika isikhathi sokuguquka. AmaGiriki ayekholwa ukuthi izinto zikamoya zaziphezulu njalo zinikeza udumo olunengi kuNkulunkulu kukanti ezinye ezingaso zikamoya zaziphansi njalo zingaqakathekanga kuNkulunkulu.

Kungasenani, akusiyo ndatshana esebhayibhilini le. IBhayibhili liqala ngoNkulunkulu edala umhlaba. KuGenesis 2:8 sibona uNkulunkulu ehlanyela isivande. UNkulunkulu, uNkulunkulu esimkhonzayo njalo esimthanda kakhulu, wahlanyela isivande. Sisebenza ensimini asikhumbuleni ukuthi uNkulunkulu ngumlimi wakuqala. Senza okwenziwa nguNkulunkulu eminyakeni edlule. Njalonjalo uNkulunkulu wabiza abantu ukuthi bamsebenzele ngendlela ezehlukeneyo. Ngeskhathi ukuba ngumfundisi kumbe umvangeli kungumsebenzi ohloniphisayo, kunjalo lasekulimeni, ekubeni ngumbazi, kumbe ukuba ngumbalisi. Asidingi bantu abazasifundisa okukamoya kuphela kodwa abazasifundisa ukulima izilimo zokudla, lokwakha indawo zethu zokuhlala, lokufundisa abantwana bathu. UJohane Wisili, umKristu owaziwayo owaphila imnyaka engamakhulu amabili adluleyo, wanikeza iziqondiso ezilandelayo zokwenza umsebenzi.

#### **Iziqondiso zikaJohane Wisili (insiza ebonwa ngamehlo 2)**

- Umsebenzi akumelanga ulimaze impila kahle yakho.
- Umsebenzi akumelanga ulimaze imuli yakho.
- Umsebenzi akumelanga uphikisane lonembeza wakho.
- Umsebenzi akumelanga ulimaze umakhelwane wethu kumbe ukwenelisa kwakhe ukuzuza imali.
- Umsebenzi akumelanga ulimaze umzimba kamakhelwane.
- Umsebenzi akumelanga wenze umakhelwane awone.

Uohane Wisili wathi kulezi ziqondiso kumele sisebenzise izipho zethu ukuthi sisebenze nzima ngazozonke indlela. Kumele sizame ukuthola inzuzo ngazo znke indlela ukuze senelise ukunakekela imuli zethu, sigcinele ikusasa, sinikele ukuze sikhulise umsebenzi kaNkulunkulu, lokunikela kwabaswelayo. Ngaleyo ndlela sidumisa uNkulunkulu ngokusebenzisa izipho, amandla le mpilakahle asinikeze yona.

#### **INGXOXO YEQEMBU ELIKHULU**

Khangelani iziqondiso zika Johane Wisili

- Yisiphi isibonelo sokwephula lezi ziqondiso?

- *Umsebenzi akumelanga ulimaze impilakahle yakho – ukusebenza endaweni eyingonzi, umsebenzi ongahambelani lokwenelisa kwethu isibonelo yikuthiumuntu oseluphala enze umsebenzi ofuna amandla.*
- *Umsebenzi akumelanga ulimaze imuli yakho – ukusebenza okwamahola amade okokuthi uyatshiya imuli yakho. Imsebenzi efuna ukuthi ube khatshana lemuli yakho okwengxenyane enkulu yenyanga kulokuthi ubuyinakekela.*
- *Umsebenzi akumelanga ulwisane lonembeza wethu – ukuqila loba ukusebenzisa umuntu.*
- *Umsebenzi akumelanga ulimaze umakhelwane wethu kumbe ukwenelisa kwakhe ukuzuza imali – ukuqala ibhizimusi eduze lomunye kodwa uthengisa ngentengo ephansi ukuze uthathe bonke abathenga kuye.*
- *Umsebenzi akumelanga ulimaze umzimba kamakhelwane – ukwenza utshwala legwayi lokubhema.*
- *Umsebenzi akumelanga wenze umakhelwane wakho awone – ukuvula ibhawa esigabeni.*
- Uma sikholwa ukuthi umsebenzi wonke ngowokudumisa uNkulunkulu, lokhu kuguqula njani indlela esibona ngayo imsebenzi yethu.
- Lokhu kuyayithinta na indlela oyenza ngayo umsebenzi wakho?

## **UNkulunkulu ulendaba ngendlela esenza ngayo umsebenzi wethu**

---

Kuvame ukuthiwa izisebenzi ezingamaKristu yizo izisebenzi ezimbi kulazo zonke ezinye.

- Kungani ubona angani lokhu kungaba liqiniso?
- Lokhu kuyenzakala na endaweni yakho?
- Ubona angathi uNkulunkulu uzwa njani ngamaKristu abalendumela enje?

Loba iBhayibhili lingatsho ukuthi eminye imisebenzi iqakathekile kuleminye kumbe ingaphansi, iBhayibhali lilokunengi okokutsho ngokuthi senzenjani imisebenzi yethu. Kuyingxenyane eqakathekileyo yamalanga ethu – sichitha isikhathi sethu sivukile sisebenza, ngakho kumele sikhangelisise indlela esenza ngayo umsebenzi wethu.

### **EMAQENJINI AMANCANE**

Khangela amavesi alandelayo. Asifundisani ngomsebenzi? Emaqenjini amancane finyenzani impendulo emutshweni owodwa.

- 2 AbaseThesalonika 3:10-12
- Izaga 10:4
- Izaga 19:15
- Izaga 21:25

Ubona angani amavesi la asifundisani ngendlela okumele senze ngayo umsebenzi?

- 1 AbaseKorinte 10:31 – Dumisa uNkulunkulu
- AbaseKolose 3:23- Sebenza angathi usebenzela uNkulunkulu

## **INGXOXO YEQEMBU ELIKHULU**

UJesu ingxenye enkulu yempilo yakhe wayengumbazi. Cabanga uma ungambona engumbazi.

- Ubona angani izinga lomsebenzi wakhe lalinjani?
- Cabanga ukuthi ngabe lalisebenza ndawonye laye; ngabe kwakunjani ukusebenza ndawonye loJesu?
- Ngabe wayesenza njani emini?
- Ngabe wayesenza njani lapho kungela muntu omkhangeleyo?

Ngesikhathi senguquko, inguquko emangalisayo yenzakala endleleni amaKristu enza ngayo imsebenzi yawo. Okwesikhathi sakuqala abantu baqala ukubala iBhayibhili ukuze babone ukuthi lisebenza njani empilweni zabo. Ngaleso sikhathi, uma umbazi esenza itafula, wayebona ukuthi ingaphansi yetafula yayinhle njengephezulo yalo, njalo umbazi wayesebenzela ukuthokozisa uNkulunkulu. Izinto ezenziwa ngalesosikhathi zazingezezinga eliphezulu elingakaze lafikwa muntu.

## **EMAQENJINI AMANCANE**

### **Inkulumo mpendulwano**

Khetha umsebenzi wenze inkulumo mpendulwano ezimbili: eyodwa itshengisa umuntu esenza umsebenzi ngendlela eletha udumo kuNkulunkulu, enye itshengisa umuntu esenza umsebenzi ngendlela engalethi dumo kuNkulunkulu. Yenza inkulumo mpendulwano zakho wenzela iqembu lonke.

### **IQEMBU ELIKHULU**

Ngemva kwenkulumo mpendulwano yinye ngayinye xoxani:

- Yiziphi ezinye indlela ozibone zisenzwa ngumuntu oletha udumo kuNkulunkulu emsebenzini wakhe?
- Yiziphi ezinye indlela ozibone zisenzwa ngumuntu ongaletshi dumo kuNkulunkulu ngomsebenzi wakhe?
- Yiphi eminye imbono ongayiyengenzelela kule esiqanjiwe?

### **UKUZIHLOLA WEDWA**

Cabanga ngomsebenzi wakho. Yiziphi ezinye indlela ongadumisa ngazo uNkulunkulu emsebenzini wakho? Cela uNkulunkulu akutshengise ezinye izinto ongazenza ngcono ukuze umphakamise njalo. s

# Isifundo sesihlanu: Ukwakha umbuso kaNkulunkulu

## Imqondo emqoka

1. Kumele silalele empilweni zethu munye ngamunye empilweni lasezimulini zethu ukuze siguqule isigaba sethu sibe njengombuso kaNkulunkulu.

## Impahla yokusebenzisa

1. Amanothi 5.1 'Imuli eyodwa yamaKristu idala umahluko' Indatshana
2. Amanothi 5.2 okwenziwayo ukuthi ube ngumakhi wombuso
3. Umduli wokubhalela – kusukela emuntwini oyedwa kusiya emulini

## Kuqala ngathi

---

Esifundweni sokuqala sikhulume mayelana ngendlela uNkulunkulu asiphe ngayo umbono omanagalisayo.

- Ube ungumbono bani?
  - *Umbuso kaNkulunkulu*
- Kuyini esingakwenza ukuthi siqale ukugcwalisa lumbono?

## Isigaba esiguquliweyo

---

### Bala indatshana elandelayo.

Kwenye indawo, amaKristu ayesesaziwa ngokudubeka kakhulu. Imuli ezinengi zazizuza imali elutshwane. Babanjwa ngamandla ukuthi bahlanyele amasimu ayekhatshana lemizi yabo, njalo babemele bathwale izivuno emaqolo ngoba ugwaqo wabo umubi ungahambi mota. Imuli ezinengi zavuna irayisi eyayingakwana inyanda ezilitshumi kuphela. Enye ingxenye yomnyaka babedinga ukudla egangeni. Ngoba babengazi ukugcina abakutholayo, imuli lezi zazitshona zilezikwelede. Kwakungela zambuzi esigabeni lesi, abantu babetshona begula. Imizi yabo yaimncane kakhulu njalo ivame ukuvuza. Abantwana bakulesi sigaba babengavamanga ukuya ezikolo. Ibandla lalo lalilincane lidubeka ngoba litshona lihlukunyezwa njalo lilokwehlukana phakathi kwalo.

Inhlanganiso ezisebenzela intuthuko zazingavunyelwa ukusebenza lezigaba lezi, ngakho kwakhanya kulethemba elilutshwane lokuthi baphume ekudubekeni. Lokhu kwaguquka mhla enye imuli ibuya iqala ukufundisa abakhokheli abakulesi sigaba ukuthi kumele bathande umakhelwane wabo, lokuthi umbuso kaNkulunkulu utshoni. Limuli ayizange yanika leli bandla imali, kodwa yalifundisa ukulalela imilayo kaNkulunkulu.

Amabandla enza lokhu ayekufundisiwengokunceda abanye esigabeni. Balungisa bakhulisa imigwaqo. Bancedisana ukuvuna. Bakha, balungisa izindlu. Bakha izambuzi. Bahambisa abantwana babo ezikolo. Baphatha abomkabo ngendlela engcono.



Eminyakeni emihlanu, isigaba lesi sasaguqukile saphelela! Abakhokheli besigaba balanda imuli leya ukuthi babengasadubeki. Inzuzo yabo yayisiphezulu. Basebele mpilakahle enhle. Abantwana babo basebefunda. Ibandla lalo laselikhulile! Phosa wonke umuntu esigabeni wayesengumKristu ngemva kokubona indlela ibandla elalitshengisa ngayo uthando lukaNkulunkulu esigabeni. Ibandla lalilobudlelwano obuhle labantu abesigabeni, njalo lalingasahlukunyezwa.

Elinye iqembu lokuthuthukiswa kwamaKristu lathi libuye ukuzobona okwakwenzakele ezigabeni lezi, ablizange likholwe okokuqala ukuthi isigaba lesi sasidubeka iminyaka emihlanu edluleyo. Lathi linanzelela indlela isigaba esasiguquke ngayo ngesikhathi esifitshane, lamangala kahulu! Laqala ukubuza wonke umkhokheli ukuthi, “Layenzani ukuthi lilethe inguquko enje?”

Uyakwazi na ukuthi abakhokheli bathini? Wonke umkhokheli wayebanika impendulo eyodwa: “Salalela uNkulunkulu.”

### **INGXOXO YEQEMBU ELIKHULU**

- Yikuyini okwasokuguqukile esigabeni lesi?
- Yizinto zikamoya kumbe yizinto zenyama?
- Lapho izisebenzi zeqembu lokuthuthuka zibuza ukuthi isigaba sasesenzeni ukuthi silethe inguquko, ubona angani babe khangelele mpendulo bani?
- Mpendulo bani abayinikwa nguwo wonke muntu?
- Amabandal ayeseyenzeni esigabeni ukuze atshengise ukulalela kwawo uNkulunkulu?

### **Singasiguqula njani isigaba sethu?**

---

Uma sifuna ukubona izigaba zethu ziguqukile kumele sihambe ngokulalela uNkulunkulu. Inyathelo lokuqala yikuqala ngokuguqula impilo zethu. Kumele siqale ukusebenzisa indlela zombuso kukho konke esikwenzayo.

### **INGXOXO YEQEMBU ELIKHULU**

- Impilo zethu zingaba njani uma singalalela intando kaNkulunkulu isikhathi sonke nsuku zonke?
- Cabanga ngezinto ezilutshwaneozenzayo elangeni lakho. Ngabe ulalela uNkulunkulu nsukuzonke ngabe uyazenza na lezo zinto? Ngabe uzenza ngendlela ehlukeneyo na?
- Intando kaNkulunkulu izithinta njani izinto ezijwayelekileyo ezinjengokulala, ukudla, ukulungisa ukudla, ukuhlanyela amasimu kumbe ukukha amanzi? UNkulunkulu ulendaba ngendlela esenza ngayo lezi zinto na?
- Bala uMathewu 6:25-33
  - Abantu babezihlupha ngani? Lezi yizinto zikamoya kumbe yizinto ezijwayelekileyo?
  - Ujesu waphendula wathini?
  - Ubona angani uJesu wayesitshoni? Singawudinga njani umbuso kaNkulunkulu kukho konke?

Kulakho ukungazwisiseki ukucabanga ukuthi abantu bathi bebuya kuJesu ukuzomtshela babecabanga ngokokudla lokokunatha, impendulo yakhe yaba yikuthi, “Dingani umbuso kaNkulunkulu kuqala.” Kutshoni lokhu? Kutsho ukuthi akumelanga sicabange ngalezi zinto na,

sichithe isikhathi sethu sonke sisenza izinto zikamoya ezinjengo kukhuleka? Uma singakwenza lokhu kungaba yimpilo enhle na?

Ngenhlanhla kithi ukhona umuntu owaphila impilo emsulwa esenza intando kaNkulunkulu isikhathi sonke: UJesu (uJohane 14:13). Singakhangela impilo yakhe ukuthi sibone okutshiwoyo ngokudinga umbuso kaNkulunkulu kuqala. Khangela amavesi la. Asifundisani ngezinye zezinto ezenziwa nguJesu?

- UMarko 6:3 – kusiya fika iminyaka engamatshumi amathathu uJesu wayengumbazi. Esigabeni sakhe wayengabonwa njengomkhokheli kamoya, kodwa wayengumuntu nje. UJesu engumbazi enjalo wayephila impilo emsulwa. Akula isikhathi empilweni kaJesu lapho ayephandle kwentando kaNkulunkulu ngempilo yakhe. Kusukela eleminyaka engaba litshumi kusiya fika eminyakeni engamatshumi amathathu, intando kaNkulunkulu kwakuyikuthi alandele umsebenzi wemuli, wabangumbazi.
- UJohane 21:9-14 – UJesu waphekela abafundi bakhe ukudla.
- UMarko 4:38 – UJesu esediniwe, waphumula.
- UJohane 2:1-2 – UJesu wahamba emtshadweni.
- Lezi zinto kwakuyizinto zikamoya loba kwakuyizinto zansuku zonke?
  - Kwakuyizinto zansuku zonke khepha yizo ianto uJesu ayechitha ilanga ezenza. Esadinga umbuso kaNkulunkulu skhathi sonke, wayechitha ilanga lakhe esenza izinto eziningi ezansukuzonke. Ngalezo zikhathi wayengekho phandle kwentando kaNkulunkulu kodwa wayesebenzela uNkulunkulu ngokupheleleyo.

Bala uMarko 1:21-34

- Yiziphi ezinye izinto uJesu azenzayo ngalelo langa?

Kula amavesi sibona isabatha empilweni kaJesu. Wayechitha ikuseni yakhe efundisa eSinagogu. Wasebuyela emzini kaPetro, ngemva kokusilisa unina, ezihlalele emini unina kaPetro ebasebenzela. Ntambama waphuma wayasebenzela abanye ngokusilisa abagulayo.

- Lokhu kungafaniswa njani lendlela esichitha ngalo ilanga lethu langeSonto. Kuyini okufanyo njalo kuyini okwehlukeneyo?

Njengoba sibona, imnyaka yokuqala kaJesu, uJesu wayengumbazi. Loba eseqale ukufundisa abanye wayengachithi amahola onke ekhuleka kumbe efundisa. Wayesidla labangane, wayesebenzela abangane bakhe, wayelala aphumule. Konke ayekwenza kwakumsulwa njalo kungentando kaNkulunkulu. Loba esenza izinto ezijwayelekileyo wayesenza lokho uNkulunkulu ayefuna ukuthi akwenze.

## **UBrother Lawrence**

---

Ngeminyaka engaba kubo 1608 indonda yazalwa kweleFrance. Yaba ngumKristu isile minyaka eyisithupha lasitshiya ngalombili, yathi isile minyaka engamatshumi amabili yakhetha ukuzinikela kuNkulunkulu ngokupheleleyo. Wangena lapho okuhlala abazinekele kuNkulunkulu wanikwa ibizo elithi Brother Lawrence. Wayebona angani ngokuhlala lapho abazinekele kuNkulunkulu abahlala khona wayezatshona endlini yokukhuleka, ekhuleka edumisa uNkulunkulu. Kodwa wazithola enikwa

imsebenzi yasemkulwini. Okweminyaka elitshumi wayekuzonda ukuba semkulwini abanye besendlini yokukhulekela. Wakuzonda ukunikwa imsebenzi engelasindo.

### INGXOXO YEQEMBU ELINCANE


- Ngabe wahlangana loBrother Lawrence eminyakeni le elitshumi ngabe wamxwayisa usuthini?
- Ubona angani umsebenzi kaBrother Lawrence wasemkulwini wawungaqakathenga kulowabantu ababesendlini yokukhulekela?
- Bala amavesi alandelayo ucabange ukuthi asebenza njani kulo umumo:
  - UMathewu 25:40 (34-40)
  - 1 AbaseKorinte 10:31
  - 1 AbaseKorinte 13:1-3

Ngemva kweminyaka elitshumi uBrother Lawrence wananzelela ukuthi wayesenelisa ukusebenzela lokukhonza uNkulunkulu loba engaphi. Wahlala emkulwini, kodwa kathesi wayesesizwa esebukhoneni bukaNkulunkulu ekhonapho angani ukhonzela endlini yokukhulekela.

IBhayibhili lisitshengisa ukuthi uNkulunkulu ukhangela kakhulu indlela esenza ngayo izinto kulokuthi senzani, uma lokho esikwenzayo kungasi sono. Konke esikwenzayo kungasetshenziswa ukuletha udumo kuNkulunkulu.

### Kuvela emuntwini oyedwa kuye emulini kuye esigabeni

Inguquko iqala ngomuntu oyedwa ikhule isiya ezimulini, iye ezigabeni iye elizweni. Lokhu kuthatha isikhathi. Uma abantu lezimuli bengalela uNkulunkulu, lokhu kuyathinta izigaba zabo njalo kuze kuyefika emazweni abo.



### zimuli

Bala amvesi alandelayo:

- UDuteronomi 6:7
- UTitosi 2:3-4
- 1 UTimothi 3:12

- UTitosi 1:6
- Kumele sizifundise njani imuli zethu?
  - *Kumele sizifundise njalo sizinike isibonelo esihle.*

Bala ULuka 2:52

- Yizifundo bani esazinikwa kulivesi emfundisweni edluleyo?
  - *Kumele sikhule endaweni ezine.*

## **EMAQENJINI AMANCANE**

Phumani lendlela ezinengi ezinganceda imuli imuli zenu ukuthi zikhule endaweni lezi ezine. Umnuntu lomuntu kakhetho into eyodwa azayenza kusigaba sinye ngasinye (okwenhlalo, emoyeni, okwenyama, lokuhlakanipha) kule iviki.

## **Izigaba**

---

Imuli nxa ziguquka ziba lesifiso sokubona izigaba lazo ziguquka. Bala lindatshana eyendoda lemuli yayo abaguqula isigaba. (izifundi ezenelisayo ukubala ziphe amanothi 5.1 ucele ukuthi zizibalele.)

Le yindatshana yeqiniso eyendoda eyasuka lemuli yayo yaya endaweni eyayingela maKristu isiya fundisa ngoKristu. Yayifuna ukubona umbuso kaNkulunkulu wakhiwe lempilo zabantu zibuyisekile endaweni zonke – emoyeni, kokwenhlalo, ekuhlakanipheni lasenyameni.

### **Imuli eyodwa eyamaKristu idala umahluko**

Iminyaka emine edluleyo umvangeli ehamba kulindawo isigaba sonke sasingamaHindu. Amakhaya la ayetholakala ezintabeni ezibizwa kutha ngamaHimalaya. Bucwadlana lalawo makhaya kwakulensimu enkulu eyamahlamvu etiyi. Li nsimu yayisipha umsebenzi ebantwini abahlala kulawo makhaya. Loba kunjalo, inzuzo ababeyithola yayincane okukuthi abantu babephila nzima loba besebenza.

Kulindawo kwakulemizi engaba ngamatshumi amabili lanhlano, engakhekanga efulelwe ngamazenge. Kwakungela zambuzi kulamakhaya. Ngoba lamakhaya ayeyakhelwe endaweni ephezulu kwakuqanda kakhulu, kodwa loba kunjalo abantwa babehamba bengagqokanga lutho enyaweni belezisu ezivuvukileyo.

Indlu inye ngaynye yayisendaweni encane. Kwakuphekelwa emkhukwini owehlukene lendlu, emlilweni iseko lenziwe ngamatshe amathathu. Kwakule nkukhu ezilutshwane ezazigijigijima zingena ziphuma ezindlini njalo amaguma engcolile.

Isikolo sasingamakhilomitha amabili usuka kulamakhaya. Kwakukhatshana kakhulu ukuthi abantwana bahambe nsukuzonke njalo babelemisebenzi yokwenza duze lezindlu zabo. Ngakho abantwana banengi babengahambi esikolo. Abantu abadala abanengi babengenelisi ukubala lokubhala, ngakho babetshona besetshenziswa ngabantu abakwamanye amakhaya ababesenelisa ukubala lokubhala.

Kwakulezivande ezilutshwane ngoba amanzi ayetholakala ngemva kokuhamba amakhilomitha amabili. Kwakunzima ukuthwala amanzi okunatha lawokuwatsha, wona awokuthelela izivande ke?

Kwakuke kwaba lephayiphi eyayivela lapho okwakulamanzi kodwa yayingasasebenzi labantu labo babengenzi lutho ngokulungiswa kwayo.

Izulu lalalisina ngezikhathi ezehlukeneyo, ngaphandle kwezinye izigaba lapho ababesenelisa ukulima irayisi. Kwakungela sikathi sokulima isivande. Bengaba lenhlanhla babesenelisa ukuvuna irayisi ebakwanayo ukuthi bafike ihlobo elilandelayo.

Abantu laba babengamaHindu ngakho babekhonza othixo abanengi abehlukeneyo. AmaHindu akhonza lokhuthethela kubothixo abanengi abangaba zinkulungwane. Amakhaya la ayelezithonjana ezinengi ezimela othixo laba. Izakhamizi zakula makhaya zazisidla zijikela okunye ukudla phansi zisenzela imimoya ehambahambayo.

Abantu laba babezizwa bengqotshiwe sebalahlekelwa lithemba. Ithemba labo kwakuyikuthi empilweni ezayo bavuswe besesimeni esingcono. Kodwa kwakungenzeka ukuthi uma bengathokozisanga othixo babo babengavuswa beyizinja kumbe amagundwane. Babesizwa bebotshiwe, kungela ndlela yokuphuma njalo kungela ndlela engabasiza ukuthi babengcono.

ULepcha ngumvangeli owahamba kulindawo. Wabala ukuthi afunde okumqoka ngokunceda abanye ukuthi bakhuphule izinga lempilakahle yabo ngenyanga eyodwa. Uthe eqeda ukufunda wathutha lemuli yakhe wayohlala kulamakhaya ukuze bayonceda omakhelwane babo ngokubabela lokhu ababekufundile. Babeleguma elihlanzekileyo belomkulu owawulendawo yokuphekela ephezulu, eyayisenza ukupheka kube lula njalo isebenzisa inkuni ezilutshwana. Babelesilugu esincane sokugcina inkukhu zabo. Bahlanyela isivande esincane, esakhuphukisa izinga lempilakahle zabantwana babo. Babelesambuzi phandle, abantwana babo babengela mawemusi, bengabulawa yizisu njengabanye abantwana kuleyondawo.

ULepcha wafaka inkonxa yokhukhongolozela amanzi ezulu phansi lapho amazenge ayehlangana khona ikhongolozela amanzi uma izulu lingabuya. Abanye bawuthanda lumcabngo labo benza okufanayo labo, kathesi uma izulu libuya labo bayabe belamanzi.

Badinga abantu abasebenzela ndawonye ukuthi bafake iphayiphi evela lapho okulamanzi eybe ibuya emakhaya, kathesi indaw yonke ilamanzi amanengi, amanzi akwana lokuthelelela izivande zabo ezitsha. Abantu abanengi sebelandele umbono wokwakha izilugu njalo sebakhe lezambuzi ezinganukiyo ezingela mpukane.

Imuli kaLepcha ifika kulindawo yaqala ukufundisa abadala labantwana ababefuna ukufunda ukubala lokubhala. Bafundisa abantwana ukubala. Kathesi lindawo ilesikolo esicina kuzinga lesine emfundweni yangaphansi.

Namhla kulesakhiwo esincane sesonto ngoba imuli ezingamatshumi amabili lantathu kwezimngamatshumi amabili lanhlanu sezilobudlelwano loKristu. Lokhu kungenxa yokuthi limuli yaba ngoKristu ngamazwi langezenzo zayo.

Abantu bezwa bephumelele, njalo bayabona ukuthi bangaphila belempilakahle ngoba imuli eyodwa yathanda ukuza ukuzowabelana impilo yayo labo.

Indatshana efanayo iyaxoxwa kanenginengi endaweni ezingenhla kwelaMandiya, lasempumalangaye Nepal. Namhla izinto ezifana lalezi ziyenzakala endaweni ezingaba likhulu lamatshumi amabili kulindawo. Impilo zabantu seziguqukile. Abantu bayaguquka njalo emoyeni ngoba imuli zokuhlangana ezilikhulu lasikhombisa zesikhona ezikhulu zilabantu abangaba ngama khulu amabili.

Abafundisi abeIndiya sebaqala ibandla labo elithiwa yiAgape Church, lapho inengi lamabandla amatsha elizaya khona. Uma imuli eyodwa njenge kaLepchas, ilombono wokubona isigaba sayo siguqukile, izinto ezimangalisayo zingenze kuNkulunkulu uma idinga intando kaNkulunkulu njalo izimisele ukwenza lokho uNkulunkulu ayitshengise khona. Ezinye imuli seziguquke zalandela imuli zebandla ngokufundisa abantu abamqoka ebandleni. Kungumthandazo wethu ukuthi amabandla la abe yizibonelo zezigaba kwelizayo.

- Yiziphi ezinye inguquko uLepcha azilethe esigabeni? Khangela lindatshana njalo wenze umbhalo phansi kwezihloko lezi, okwenhlalo, okukamoya, okokuhlakanipha, lokwenyama.
- Wenzani ukuthi alethe lezi nguquko? Waqala ngobani? Ngemuli yakhe
- Isigaba siguquke njani ngenxa kaLepcha?
- Ungenzani ukuthi ube njengoLepcha esigabeni sakho?

**Qaphela:** esigabeni sesine sizaliphathela infundiso zempila kahle ezifana lalezo ezabalwa nguLepcha.

## **Ezinye izibonelo zabantu abakha umbuso kaNkulunkulu**

---

Balani indatshana ezilandelayo, lixoxe ngemibuzo elandela indatshana inye ngayinye.

### **Ukufinyelela ezibhedlela**

Unfundisi kwelinye lamazwe alemithetho enzima ngobuKristu, wayenika amabhukwana ezindlini zokukhonzela zamaMozilemu. uHulumunde wayengajabuli nagalokhu ngakho bamkhipha isikhundla sakhe sokuba ngumfundisi. Indlela zokutshumayeza zazingamukelwa. Ngelinye ilanga waba yinxenye yalabo ababefundiswa ngokutshengisa uthando lukaNkulunkulu ngezenzo zothando. Wacabnga icebo elitsha. Wadinga abantu abazinikeleyo abane, wathenga isinkwa wacela omkhulu wesibhedlela ukuthi avakatshele izigulane azinike isinkwa njalo azikhulekele. Banikwa imvumo, kodwa banikwa amawadi anzima, bahanjiswa endaweni lapho okwakulabantu ababelomkhuhlane wengqondo ongelaphekiyo othiwa yiSchizophrenia. omunye wezigulane wayeyindoda eyayingazake ikhulume eminyakeni emineni, yayikhasa kulokuthi ihambe, ubuso bayo babuvuvukile bulimele. Enye yezindlebe zakhe yayinkulu. Yayilephunga elibi kakhulu. Ingcolile. Izethekeli zambeka izandla zimkhulekela azizange zathanda ukubamba olunye ulutho zingangezanga izandla.

Ngeviki elandelayo, umfundisi labantu ababazinikele babuyela. Indonda ende eyayingemva kwensimbi yewadi lalabo abagula imikhulhane yengqondo yabahlangabenza. Bayicela ukuthi ibahambise lapho okwakulezinye izigulane. Lindonda yahle yabika ukuthi yiyo ababeyikhulekele ngeviki eledluleyo – imkhuleko yabo yayisinguqule okokuthi yayifuna bekhuleke futhi. Iqembu leli alizange linanzelele lindoda, ngakho latshela lindoda ukuthi alilasikhathi esinengi lacela ukuthi lihanjiswe kwezinye igulane. Yabahanbisa lindonda, izisebenzi zakule iwadi zafakaz ukuthi lindoda yiyo eyayikhulekelwe ngeviki eledluleyo. Lamangala kakhulu iqembu leli, lindoda yayisisilisiwe. Yayisihamba njalo isikhuluma. Yayisisenelisa lokubhala. Umkhuhlane wayo wawusuguquke waba ngowelaphekayo.

Ngokuya kwesikhathi, leliqembu lalilokhe libuya liletha isinkwa lezigqoko likhulekela ezinye izigulane. Ezinye izigulane lazo zaqala ukusila ngendlela afanayo. Iqembu leli lacina linuxswa ukuthi ukuzotshumayeza izigulane ezingamakhulu ayisitshiya ngalombili lezisebenzi zasesibhedlela. UNkulunkulu wengenza impahla yokusebenzisa ngesikhathi abantu besizwa ngomsebenzi waleli

qembu. Eminyakeni emithathu ngokubusiswa ngabakhulu bakuleso sigaba, iqembu elikhulu lasetshumayeza abantu abangu2600 ezibhedlela ezinhlanu, endaweni ezinhlanu ezigcina izintandane, emajele amabili lalapho okwakugcinwa abancediswa ukwehlukana lezidaka mizwa. Baqala ukutsamuayeza njalo abantwana abahlala ezitaladeni labantu abangela ndawozokuhlala.

- Kwenzakeleni kulindatshana?
- Kuqalwe yini konke?
- Wenzeni?
- Kube lempumela bani?
- Isigaba sakhe sesifana lendlela uNkulunkulu afisa sibe ngayona ngezenzo zakhe?
- Singafundani kulindatshana?

### **Ukusuka ekuhlukuluzweni usiba ngumkhokheli**

Kwakulomunye umfundisi kwelinye lamzwe angavumeli isiKristu, owayehlala ebizwa emapholiseni. Amapholisa ayehamba eyomthatha lapho ayefundisa khona phosa kasithupha emnyakeni owodwa bemusa enkambeni yamapholisa. Ngelinye ilanga lumfundisi wafunda icebo lokwakha umbuso kaNkulunkulu waqala ukufundisa ibandla lakhe ngalo. Wakhuthaza ibandla lakhe ukuthi liqale ukusebenzelaomakhelwane balo lokuthi lidinge amathuba okwenza isigaba salo sibe njengokuthi uNkulunkulu ufisa sibe njani.

Ibandla laqala ukwenza imisebenzi eminengi: ukunikela kulabo abaswelayo, ukwakhela abafelokazi izindlu, ukulungisa imigwaqo, ukwakha izambuzi njalonjalo. Laqala ukukhula ibandla lamakholwa aqala ukuqina. Izinto ezingaphazamisa inhlalo yabnatu ezinjengokudakwa lamakhasi kwaphela kulesi sigaba. Kancanekancane uHulumende wananzelela impumela yemsebenzi yalumfundisi lamabandlaesigabeni. Ngakho lumfundisi wenziwa umkhokheli kaHulumende kulesisigaba. Waqala umsebenzi wakhe omutsha ngokufundisa labo abaphansi kwakhe ngezempilakahle ukuze bafundise wonke umuntu ezigabeni lezi zifundo. Kathesi impila kahle yalesi sigaba iyeniyuka.

- Umfundisi lo wenzani?
- Wakha umbuso kaNkulunkulu ngandlela bani?
- Kube lempumela bani lokhu?
- Yiziphi ezinye izifundo ezikulendatshana esingazisebenzisa empilweni zethu?

### **Abantwana besiya esikolo.**

Kwenye indawo inani labantwana abahamba esikolo liphansi kakhulu. Enye indoda yathi inanzelela ukuqakatheka kokufunda, yacabanga ukuzama icebo ngakho. Yakhuluma labanye ebandleni wabuthanisa iqenjana elalizimisele ukusebenza laye ekulungiseni loluhlupho. Baqala ukuhamba ezindlini bekhuthaza izimuli ukuthi zihambise abantwana esikolo. Ngenxa yalokhu bonke abantwana bakuleyo ndawo bahlala esikolo. Abanye abakhangela enzemfundo endaweni eseduze bananzelela okwakusenzakala kulesisigaba banxusa lindoda ukuthi ihambe kwezinye indawo iyokuthaza abazali ukuthi betshiye abantwana baye esikolo. Kathesi akusibantwana besigabeni sakhe kuphela abahamba esikolokodwa lalabo abasezigabeni eziseduze lesakhe.

- Lindoda yakha umbuso kaNkulunkulu ngandlela bani?
- Kungenzeka njani ukuthi senze okufanayo esigabeni sethu?

Sonke singaba ngulowo oletha inguquko ezigabeni zethu. Laba bantu abamangalisi kumbe ababusiwanga ukwedlula thina. Ngabantu abafana lawe lami. Abanye abafundanga kakhulu kodwa bazimisela ukwenza abakwenelisayo ukthi bakhe umbuso kaNkulunkulu ezigabeni zabo.

## **Ukuba ngumakhi wombuso**

---

UNkulunkulu angenza konke akufunayo. Angakha umbuso wakhe singekho thina. Kodwa lokhu akusikho akuhlelileyo; uhlelekusebenzisa thina ekwakheni umbuso wakhe. Ukwakha umbuso kaNkulunkulu kuqala ngathi. Bala kumbe nika amanothi 5.2. ubacele ukuthi bacabangisise ngendlela abangaphendula ngayo ngokomthandazo.

### **Nika amanothi 5.2 – Ukuba ngumakhi wombuso**

#### **1. Qala ngawe**

Inyathelo lokuqala yikubona umbuso kaNkulunkulu usakhiwa, empilweni yakho, emulini yakho, ebandleni lakho, esigabeni sakho, lasemhlabeni ngelokuzihlola wena. Ukthi uzimisele na ukusetshenziswa nguNkulunkulu? Uzimisele na ukulalela uNkulunkulu endaweni zonke zempilo yakho. Yizphi izinto ezilutshwane ongaziguqula kuliviki?

#### **2. Fundisa njalo ukuthaze imuli yakho**

Usaqala ukusebenzisa umbuso kaNkulunkulu enxeni zonke zempilo yakho kudingeka ukuthi uqale ukukhuthaza imuli yakho ukthi yenze okufanayo. Njengoba sibala, kumele sibe sifundisa imuli zethu ngazozonke izikhathi (UDeturonomi6:7) loba sisenzani. Dinga indlela zokufundisa imuli yakho ngendlela oyenza ngayo, ngokukhuluma layo, langokudinga indlela ezayanceda ukuthi iqale ukusebenzela abanye.

Khumbula izinto owazinikela ukwenza esifundweni indlela ozanceda ngayo imuli yakho ukuthi ikhule ezigabeni zonke ezine.

#### **3. Cela uNkulunkulu akusebenzise ukuthinta abanye**

Qala ukukhululeka ucela uNkulunkulu ukthi akusize ukuthi uthinte abanye. Dinga amathuba. Lapho ubona abantu belesidingo, cela uNkulunkulu akutshengise indlela ongaba nceda ngayo labo bantu.

UNkulunkulu uzimisele ukusancedisa ukuthi sakhe umbuso wakhe. Uzasambulela ngesikhathi esifaneleyo, indlela eyiyo eyokuncenda.

#### **4. Sebenzela abanye**

Tholakala ezenzweni zothando udinge ezinye indlela zokusebenza. Loba uzizwa angani awenelisi ukwenza okunengi, umele usebenzise izipho uNkulunkulu akunike zona ekusebenzeni. Usasebenza uzathola ukthi uyaqala ukukhula njalo uyabe ususenelisa ukwenza okunengi.



# Isifundo sesithupha: Umsebenzi webandla ekwakheni umbuso kaNkulunkulu

## Imqondo emqoka

1. Zwisisa ukuthi ibandla limele libesenziki ekuguquleni isigaba ukuthi sifane lombuso kaNkulunkulu.
2. Zwisisa ukuthi wonke umuntu ebandleni uqakathekile njalo umele aphaathise ekwakheni umbuso kaNkulunkulu ngenye indlela.

## Impahla yokusebenzisa

1. Amaphetshana ezitho zomzimba.

## Isingeniso

---

Esifundweni esidluleyo besikhangele indlela okuguqukwa ngayo – ukuthi kuqala ngawe kuhambe emulini, kuye esigabeni, kuye ezweni. Loba kunjalo, kukhona okuqakathekileyo kulindlela yokuguquka: ibandla.

Ukti sifeze lumbono, ukuhlela kukaNkulunkulu ngokokuthi ibandla libe lomsebenzi omqoka endleleni yokuguquka.

Bala kwabase Efesu 1:22-23

- Nguphi umsebenzi webandla?
  - Yikugcwalisela umsebenzi kaNkulunkulu.

Bala kwabase Efesu 3:10

- UNkulunkulu usebenzisani ukuthi azise ngolwazi lwakhe?
  - Ibandla


Amavesi la awazwisiseki lula kodwa asikhumbuza ukuthi uNkulunkulu wanika ibandla umsebenzi oqakathekileyo ekwakheni ibandla lakhe. Ibandla lingumzimba kaKristu. Kungumsebenzi webandla ukugcwalisa umsebenzi kaJesu, owokuletha ukubuyisana ENTWENI zonke.

- Kungenzakalani uma ibandla lakho lingavalwa? Abangasontiyo abasesigabeni senu bazakhonona na? Kungani?

Ibandla kumele libe lesisindo esigabeni okokuthi abantu besigabeni bayazonda ukubona ibandla lihamba.

Asidwebeni umfanekiso wethu owesifundweni esidluleyo ngenye indlela. Asiqaleni ngomuntu, siye emulini, siye esigabeni, siye ezweni. (dweba emdulini)

Umsebenzi webandla yikuncedisa lumsebenzi. (dweba ebandleni) sizancedisa abantu sibasize ukuthi babelesisindo emulinizabo, ezigabeni zabo njalonjalo. Sizadinga njalo indlela zokuncedisa imuli zethu zibe yilokhu uNkulunkulu afuna zibekhona.



## Ukuhlomisa abantu

**Iziqindiso:** Nika izifundi amaphetshana alemifanekiso yezitho zomzimba (insiza ebonwa ngamehlo X)

- Yiziphi ezingela msebenzi, kumbe ezingela njongo?
- Kuyaba lempumela bani ukukhipha izitho zonke ezincane?
- Uma izitho zonke zingehlukaniswa umzimba uyabe usasebenza na?
- Nika izibonelo zendlela izitho zomzimba ezidingana ngayo?
- Umzimba usebenza kuhle kanganani uma ezinye izitho zingekho?

Izifundi ezinye sezifake phansi amaphetshana azo na?

- Sungaba ngcono na umzimba kathesi?
- Kungaba lempumela bani ukulahlekelwa yilezi zitho zomzimba?

Izifundi sezikhethile na izitho eziqakathekileyo beka amaphetshana wonke phansi.

- Umsebenzi uzasebenza na kathesi? Kungani ungasoze usebenze, silazo izitho eziqakathekileyo?

### 1 AbaseKorinte 12:12-20

- Emzimbebi sonke isitho siqakathekile. Ibandla kumele lifane lomzimba – wonke umuntu olilunga lebandla kumele aqakatheke ekwakheni umbuso kaNkulunkulu. Akumelanga kube lelunga elingaqakathenga. Ilunga nlinye ngalinye lenza umsebenzi oqakathekileyo na? Bakhona na abantu bokuthi bengekela ukubuya, akusoze kube zindaba zalutho, akusoze kuphazamise ukusebenza kwebandla kumbe imisebezi yebandla?
- Yingxenywe enganani yebandla ephathisayo kulumsebenzi? Yingxenywe enganani engaphathisiyo kumbe esetshenziswayo?

- Cela ingxenye leyo eyabafundi ifake amaphetshana ayo phansi.
- Uma umzimba wakho wawulengxenywe yoneyo esebenzayo bekungaba njani? Lokhu kuliqiniso lasebandleni na? Ibandla belingaba ngcono na ngabe ingxenye enkulu isebenza?
- Singenzani ukuthi silungise linkinga?

## **Kungani umuntu wonke emele asebenze?**

---

Bala kwabase Efesu 2:10

- Sasindiselwa ukuthi senzeni?
- Bonke abantu abasindiswayo kumele benze imisebenzi emihle kumbe ingxenye yabo yiyo emele yenze kuphela?
- Ebandleni lakho wonke umuntu wenza imisebenzi emihle na?

Bala umfanekiso wemali (UMatthewu 25: 14-30)

- Usabala lumfanekiso ubona angani utsho ukuthi kulamanye amaKristu angamelanga asebenzise izipho zawo ekwakheni umbuso kaNkulunkulu na?
- Wonke amaKristu asebandleni lakho ayasebenzisa izipho zabo ngokugcweleyo?
- How can we help more people to be using their talents fully to build God's Kingdom?

Ukuthi sakhe umbuso kaNkulunkulu kumele sisebenze ndawonye SONKE. Umuntu oyedwa angakha ingxenye yombuso kaNkulunkulu, ibandla lisaqala ukuphila ngokwemilayo kaNkulunkulu kuzozonke inxa zempilo yalo njalo lincediswa abanye ukuthi benze okufanayo, singakha umbuso kaNkulunkulu kuhle. Cabanga ukuthi ngabe wonke umuntu ebandleni lakho uyazinikela ekuboneni intando kaNkulunkulu isenziwa empilweni yakhe, ebandleni, lasesigabeni. Lokhu kungaba lempumela bani ebandleni lasesigabeni?

Kwabase Efesu 4:11-12

- Abakhokheli basebenzani (abaPhostoli, abaprofethi, abavangeli, abafundisi, lababalisi)?
- Emabandleni amanengi bathi ingenye engaba yi10% yabantu yenza ingxenye enkulu yomsebenzi engaba yi90%. Kuliqiniso elinganani lokhu? Singakuguqula njani lokhu?
- Singaba ngcono njani ekwakheni abanye ukuthi benelise ukwenza imisebenzi?

Kujwayelekile ukuthi labo abafunda kakhulu lalabo abakhula kakhulu yibo abasebenzela abanye. Kwele Indonesia kwakulabanali ababesebenza labatsha. Loba babebafundisa kanye ngeviki, badaniswa yibuthakathaka bamaKristu langokuphuza kwabo ukukhula. Bakhetha ukuthi abastha kwasokumele baqale ukusebenza, ngakho bafaka umthetho omutsha owokuthi labo ababesenza umsebenzi othile yibo ababemele babuye emfundisweni eyayisenziwa kanye ngeviki. Inengi labatsha laqala ukwenza imisebenzi ehlucahlukene. Benza konke kusukusela ekufinyeleleni imuli ezisweleyayo esigabeni, kusiya ekufundiseni abantwana baswelayo, kusiya ekuncediseni enkozweni yabantwana. Phakathi kwenyanga ezilutshwane abanali baqala ukunanzelela ukuthi abatsha basebekhulaekholweni lwabo. Kathesi kwasokulesidingo sokuthi bafunde amaBhayibhili bakhuleke. Kwasokulesidingo sokuthi bathembe uNkulunkulu ukuthi abancedise ukuthi benelise ukunceda abanye okweqiniso.

## INGXOXO YEQEMBU ELIKHULU

- Kwenzakaleni kulindatshana?
- Yiziphi ezinye indlela abatsha abaqala ukusebenza ngazo?
- Wake wabona abantu bekhula uma beqala ukusebenza ebandleni?
- Ubona angani kungani abantu bekhula uma bengaqala ukusebenza?

## Ukuguqula izimuli

---

Ibandla lingenza umsebenzi ekuncedeni imuli ziphile ngendlela uNkulunkulu afisa ngayo ngokufundisa amalunga ebandla indlela zokuba lemuli eziqinileyo, ezokuba ngabazali abalungileyo, lokunika izimuli amathuba okukhonza lokusebenza ndawonye. Ibandla kumele lidinge amathuba okunceda abantu basebenzele imuli zabo njalo lincede imuli ziphile ngendlela uNkulunkulu afisa ngayo.

## Ukuguqula izigaba

---

Njengebandla singathinta isigaba sethu ngendlela ezinengi. Indlela ezintathu isigaba okumele sithintike kuzo yilezi:

### 1. Yengeza inani lamaKristu

Lokhu akufani lokukhulisa ibandla. ( Lokhu singakwenza ngokutshotsha imvu zabanye). Ukwengeza inani lamaKristu kutsho ukuthi inengi lalabo abangaso maKristu bafika lapho abazi khona uNkulunkulu bamukele uKristu njengoMsindisi wabo. Amabandla enza umsebenzi omkhuluekuncediseni abantu ukuthi bazwisise ivangeli lasekukhuliseni amaKristu amatsha.

### 2. Fundisa isigaba ukuthi siphile ngokulalela uNkulunkulu

Njengoba safunda, uNkulunkulu wasenza njalo uyakwazi okuhle kithi. Usambulele ukthi kumele siphile njani eBhayibhili. Singafundisa abanye indlela ezimqoka zeBhayibhili. Njengebandla lingaqala ukudinga amathuba okunganceda abantu ukthi baphile ngokulalela kunxa zonke zempilo zabo.

Loba labo abangelandaba lesiKristu bangafuna ukufunda ngezempilakahle, indlela abangaba lomendo oqinileyo, indlela zokugcina imali. Imfundiso zaloluhlobo zincipha ekwakheni ubudlelwano obuhle phakathi kwalabo abangaso maKristu lebandla.

### 3. Nceda isigaba sabo siphile ngendlela uNkulunkulu afisa ngayo ngokwedlulela emisebenzini yokwenza.

## EMAQENJINI AMANCANE

Phendulani imibuzo elandelayo:

- UMathewu 20:28 – Kungani uJesu wabuya?
- AbaseFiliphi 2:4-9 – UPawuli umchaza njani uJesu?

- UJesu weza ukuzosebenza. IBhayibhili lona lithi, “owathi esesimeni sika Nkulunkulu,” lokhu kungafana lokuthi, “**ngoba wayenguNkulunkulu**, akazange wafuna ukulingana loNkulunkulu, le yinto okumele ibanjwe, kodwa wazidela ethatha isimo senceku.” Cabanga, ngoba wayenguNkulunkulu, wazidela wazenza wangabi lulutho, wathatha isimo senceku. Isimo sikaNkulunkulu ngesokusebenza. Njengoba ibandla lingumzimba kaKristu, isimo sebandla laso kumele sibe yikusebenza.
- UJakobe 1:27 – Yikukholwa bani okuthokozisa uNkulunkulu?
- UMarko 12:31 – UNkulunkulu usilaya ukuthi senzeni?

Uthando lwethu esilalo kuNkulunkulu lakumakhelwane kumele lusenze sisebenze. Ngendlela efana leka Kristu eza ngayo ukuzosebenza, injongo yebandla yikusebenza ngokunceda abantu ukuthi babekwazi njalo bakhule kuKristu ngokutshengisa uthando lwakhe kwabanye.

Sisasebenzela izigaba zethu sizazibona ziguquka. Bala indatshana elandelayo emayilana ngesigaba esaguqukayo sisasebenzelwa libandla.

### **Isikolo sesigaba**

IKagishu, idolobho elalihlala abantu abadubekayo ligcwele imikhukhu eyenzwe ngamazenge alahliweyo lamaplanka aqamukileyo. Lali lebandla elilabantu abalitshumi lanhlano. Lelibandla lanxuswa ukuzoba yingxenye yonhlangano wemfundiso yeHolisti Ministry lakhetha uMishekhi, omunye owayesonta kuleli bandla owayelemnyaka engamatshumi amabili lanye ukuthi ahambe. UMishekhi waphenduka elombono omutsha: “Ngafunda ukuthi ukulalela uJesu aksinto yokukhetha!” Ngakho uMishekhi, uDisimasi (omdala webandla), umfundisi lomkakhe bakhuleka, becela uNkulunkulu ukuthi abanike umsebenzi wokwenza owawuzatshengisa uthando lukaNkulunkulu esigabeni sabo. Impendulo yabuya: qalelani abantwana bebandla isikolo semfundo yangaphansi.

Khonapho bahle baqala ukukhuluma lamalunga ebandla ayelabantwana kodwa engenelisi ukubhadala imadlana yesikolo sikahulumende. Inengi labo lavuma ukuhambisa abantwana balo kulesi sikolo esitsha. Kungela lapho ababefundele khona, uMishekhi, umfundisi lomkakhe baqala ukufundisa abantwana abalitshumi lantathu, abalemnyaka eyisithupha kusiya kwelitshumilambili, babesendlini eyokukhonzela eyodwa, bengela zitulo, amabhuku, lempahla yokusebenzisa. Abantu bemakhaya babengafuni ukuzwa ngalesi sikolo babebuya ebusuku bezotshontsha impahla zokwakhisa. Umholo kaMishekhi wakuqala weza ngenyanga yesikhombisa – iUS dola elilodwa elalibhadalwe yimali yokufunda lomnikelo ovela ebazalini babantwana.

uMishekhi loDisimasi wanxusa abantwana abakhelana labo isikolo sakhula. Ngesikhatshana kwasokula bafundi abangamatshumi amane lanhlano abakumazinga ehlukeneyo. Umbalisi wesibili wazinikela ngenyanga yesithupha, owesithathu yena wabuya ngenyanga yesitshiya ngalo mbili. Bathi sebelabafundi abalikhulu, ababalisi basebenza nzima phambi kwamakilasi abo. Omakhelwane babo bathutha. Ngakho lokho isikolo sathola indawo. Isikolo sathi sikwanisa iminyaka emibili sasile zakhiwo ezimbili, ezazilamakamelo adlula alitshumi ayengasetshenziswa libandla ngesonto.

Ngomnyaka olandelayo ibandla lathenga indawo duze laseKawangare, lathenga isakhiwo; lathutha. Ngomnyaka wesithupha isikolo sasesila babalisi abalitshumi lasikhombisa, izisebenzi ezinhlanu labantwana abangamakhulu amane, amatshumi amane lanhlano (445).

Lokhu yikuqala kwendaba esigabeni, esikolo lasebandleni. Kathesi sokulesikolo semfundo yangaphezulu duze lesigaba esilababalisi abalitshumi labafundi abangamatshumi ayisithupha, isikolo

saba yimpumelela yesikolo saboMisheki. Elinye bandla lavula indawoyokugcina abantwana abancane abalabazali abasebenzayo. Ibandla lakhula laba labantu abangamatshumi ayisithupha, laqala elinye ibandla elilabantu abangamatshumi amane. Amabandla lawa seqale amanye amabandla amabili endaweni ezehlukeneyo.

Ngemva kweminyaka eyisithupha ibandla elincane selizinikele kwaba lomehluko okhanyayo esigabeni lasemabandleni akuleso sigaba. Inguquko eKagishu yaqiniseka lapho abantu besigabeni abacabanga ukutshintsha ibizo lesigaba kusukela kuKagishu (okutsho ingqamu) basithi yiRuita (okutsho ukukhipha into elimazayo).

#### **INGXOXO YEQEMBU ELIKHULU**

- Kwenzakalani kule indatshana?
- Ibandla leli lalikhulu okunganani?
- Ukwenza kwabo kwaba lempumela bani?

Kwamanye amakhaya kwakulisiko ukuthi kungavunwa abantu bakuleso sigaba babehlangana bancedisane emasimini abo. Kodwa lo olensimu okwakusetshenzwa kuyo wayenika abantu ukudla lokunathwayo okwamalanga wonawo. Ngakho lokho indleko zokunika abantu ukudla zazisenza ukuthi umnikazi wensimu acine ethola inzuzo elutshwane ekuvuneni kwakhe.

Ibandla lacabanga ukuncedisela imuli ezidubekayo esigabeni ukuvuna bengaceli ukubhadalwa, lokhu kwakuyindlela yokutshengisa uthando. Babebuya lokudla kwabo okokudla ngesikhathi semini. Ezinye izakhamizi zathi zibona indlela ibandla elalisebenzela abadubekayo, zacabanga ukuthi bancedisane bengaceli ukudla lokunathwayo okunengi.

Lezinsuku abantu bayancedisana ukuvuna. Akula onika utshwala kumbe ukudla. Inzuzo abayithola ekuvuneni isinengi, ngenxa yalokhu sebethola ukudla okwanele umnyaka wonke.

- Ibandla lenzani ukuthi lincedisise isigaba lesi?
- Kwaba lempumela bani? Kwaletsa nguquko bani esigabeni sonke?

#### **INGXOXO YEQEMBU ELINCANE**

- Yikuyini ibandla lethu elingakwenza ukuthi lisebenzele isigaba salo?
- Ibandla lethu lingabanceda njani abantu ukuthi baphile ngokufisa kukaNkulunkulu?

# Isifundo sesikhombisa: Uhlelo lwenguquko egxile eqinisweni

## Imbono emqoka

1. Uhlelo lwenguquko egxile eqinisweni lumayilana ngohloma amabandla ukuthi enelise ukuguqula izigaba zawo.

## Impahla yokusebenzisa

1. Umbono womsebenzi
2. Iphepha elebandla eliguqula isigaba
3. Izihloko zemfundiso ezayo

## Isingeniso

---

Woba labantu abazinikeleyo bame bekhangelene besemaceleni ehlukeneyo awetafula. Bacele ukthi badonselane itafula. Ngemva komzuzu kumbe imizuzu emibili, bacele ukthi balithwale balise ndawo inye.

- Yikuphi okulula - ukuya ndawo inye kumbe ukudonselana?

Ezifundweni ezimbalwa ezidluleyo besikhuluma ngombuso kaNkulunkulu. Isifiso sethu njengenhlanganiso yikunceda ekwakheni umbuso kaNkulunkulu lapha emhlabeni. Umbono wethu ngohlelo lolu yiku (phakamisa iphepha kumbe ubhale emdulini):

*Ukuhlomisa amabandla ukuze enelise ukuguqula izigaba zawo*

Umbono wethu yilokho esifuna ukukubona ngokusebenza lani. Lisalalela, cabangani ukuthi lokhu yinto elingafuna ukuba yingxenye yakho na. Khumbulani isibonelo setafula. Bekulula ngaphi? Abantu besiya ndawo inye. Kuyafana lokusebenzela ndawonye. Uma sizama ukufeza imbono etshiyeneyo sizadideka. Asisoze sisebenzelane kuhle. Uma singavumelana umbono munye owokwakha umbuso kaNkulunkulu siyabe sidonsela ndawonye. Siya sebenzelana kuhle.

## Umbono womsebenzi

---

**Ukuhlomisa amabandla ukze enelise ukugula izigaba zawo**

## Ukuhlomisa amabandla

---

Njengoba kutshiwo esifundweni sethu esidluleyo, ibandla lidlal indima eqakathekileyo ekwakheni umbuso kaNkulunkulu. Ibandla liyanika umbono lifundise njalo likhuthaze abantu abenza umsebenzi. Sifisa ukuncedisa amabandla ukuthi enze umsebenzi wawo. Asizami kuthathela ibandla umsebenzi walo. (tshengisa iphepha 5)

Ukuhlomisa ibandla akutsho ukuthi:

1. Silempendulo zonke – indawo lendawo zehlukene. Siyafunda sonke ukuthi singasanceda njani isigaba sakho.
2. Uyaswela kumbe awenelisi – sonke silezipho, ulwazi, lamandla ehlukeneyo. Usebenzisa konke uNkulunkulu akunika khona, ungaguqula isigaba sakho. Sizakuphathela imqondo lolwazi ongaludinga.
3. Yithi esihola okwenzakalayo – leli libandla lesigaba sakho. Ukwazi ngcono okumele kwenziwe. Ngendlela esaxwayisa nayo ezenweni zothando, asisoze silitshela okokwenza, sizanikeza izixwayiso. Liyazikhethela imsebenzi yokwenza esigabeni senu.
4. (LOKHU SOKUNGEKELA UKUNGENA KWEZINYE INDAWO NJALO KUNGEQIWA) Siqala ukholo olutsha kumbe sifuna ukuthi liguqule inkolo zenu. Okuphiksa lokhu kuliqiniso. Sikholwa ukuthi akumelanga liguqule inkolo zenu kumbe liphikisane lomkhokheli wenu. Khangela indlela uDavida aziphatha ngayo phambi kuka Sawuli: uDavida wayetshayela uSawuli ichacho loba uSawuli wayemjikela imkhonto. Wathi esengozini yokulahlekelwa yimpilo yakhe, wasuka, YEDWA. Akazange wazama ukuthatha isikhundla sikaSawuli kumbe ukthi acele abanye abantu ukuthi basuke laye, loba uNkulunkulu wayemthembisile ukuthi uzaba yinkosi yakusasa. Enikiwe ithuba, akazange wambulala uSawuli kodwa wamekela waphila.

Sikhuthaza abantu ukthi balandele isibonelo sikaDavida. Loba ubona angathi umkhokheli wakho mubi kumele uqhubekele phambili umkhulekela njalo umsebenzela. Uma kungaba kubi kakhulu sungasuka, WEDWA. Ungathathi muntu ngaphandle komkakho labantwana bancane. Ungazami ukuhlasele umkhokheli wakho wakudala. Njengo Davida kumele sesabe ukukhuluma kubi ngomkhokheli.

Njengabakhokheli linhlanganiso sidaniswa yindlela amanye amabandla agijimela ngakhona ukuguqula inkolo. Asikholwa ukuthi lokhu kuyamphakamisa uNkulunkulu. Siqinisekile ekutheni asifuni ukthiliguqule inkolo zenu. Zamani ukuba njengoDavida lihlale lethembekile ebakhokhelini benu noma kunzima. Lokhu kuyamphakamisa uNkulunkulu.

Njengenhlanganiso asikhuthazi kumbe asikholwa inkolo ethile. Sisebenza lenkolo ezinengi ezehlukene. Inkokheli yethu ivela enkolweni ezinengi. Sifuna ukubona amabandla onke esiba yilokho uNkulunkulu afisa abe yikhona. Sikholwa ukuthi uNkulunkulu angakha umbuso wakhe esebenzisa inkolo ezehlukene.

Kutshoni:

1. Sizakufundisa ukuguqula isigaba sakho. Asisoze sithume izisebenzi zethu ukuthi zizoguqulqa isigaba sakho. Sikholwa ukuthi ibandla liyisitsha sokuletha ukubuyisana ngakho sifuna ukunceda lokukhuthaza lisalandela intando yakhe ngalindlela.
2. Kungumbono lomqondo wakho. Sizangenisa imqondo eminengi, kodwa kukuwe ukuthi ukhethe ezasebenza ebandleni lakho. Awubanjwa ngamandla ukwenza okutshiwo yilemqondo, kodwa uma uqinisele ngokubona umbuso kaNkulunkulu usakhiwa esigabeni sakho siyakukhuthaza, siyakukhuthaza ukuthi usebenzise limqondo ngendlela zonke. Njengoba sivakatshela amabandla ehlelweni lolu, sibone inguquko enkulu ezigabeni ezilamabandla asebenzisa limqondo. Lawo awenza emilutshwane lawo abona inguquko encane. Kukuwe ukuthi ufisani. Ukubona isigaba sakho kudinga ukuthi usebenze nzima.




## Ukuguqula isigaba

Inxenye yakuqala yombono wethu yikuhlomisa ibandla. Ingexenye elandelayo yilokho esikuhlomisa ibandla ukuthi likwenze: ukuguqula izigaba zalo.

### Guqulula

Abaphethe inhlelo emikhonweni



- Ubona angathikungani sisebenzisa ibala elithi guqula? Litshoni leli bala?

Uma ultho luguquka, lutshintsha luphelele okokuthi luyabe lungasabuyeli esimeni sakuqala. Isibonela cabanga icimbi levevane. Ilevane liguquka libe yivevane. Ngeke ivevane libuye le libe licimbi. Yinguquko ephelileyo engabiseleki emuva. Sifuna ukubona inguquko ezigabeni. Sifuuna ukubona izigaba eseziguqile zaqala ukuphila ngendlela uNkulunkulu afisa ngayo zinagbuyeli zibe njengokuthi zazingani iminyaka emilutshwane edluleyo.


## Indawo zenguquko

### EMAQENJINI AMANCANE

Cela iqembu linye naglinye licabange ngenguquko elifuna ukuyibona esigabeni salo phansi kwezihloko lezi – kokukamoya, kokwenhlalo, kokwenhlakanipho, lokwenyama – ebangelwa luhlelo lolu. Khumbuza iqembu ukuthi okwenhlalo kungenelana lobudlelwano bethu; isibonelo, umendo, ukuba ngumzali, ubudlelwano phakathi kwabomakhelwane, ukubambana njalonjalo. Okwenyama kugoqela izinto ezinjenge mali, umsebenzi, impilakahle, njalonjalo. Bengakhangela imiqondo abaphuma layo esifundweni sakuqala.

Uma amaqembu wonke eseqedile ukwaba lokho abaphume lakho. Kukhona na okulotshwe ngamaqembu wonke? Yikuyini?

Loba umdwebho lo emdulini. Cela iqembu ukthi liqale ngokukhangela inhlokwana eziphansi kwenhloko ezilandelayo, okwenhlalo, ukuhlakanipha, okwenyama, lokukamoya. Balani inhlokwana lezi lixoxa ngemibuzo le emibili enhlokwane inyangayinye.



#### INGXOXO YEQEMBU ELIKHULU

- Uyini umahluko phakathi kwemiqondo eliyidalileyo lale esiliphe yona?
- Ikhona na imiqondo esiyiqambileyo ekumangalisayo kumbe ophikisana layo?

Uma sukhangele indawo zonke ezine xoxa:

- Uma ukhangela imibhalo emibili eyemiqondo uzwa angani kulokuhambelana okwaneleyo ukuthi senelise ukusebenza ndawonye na?

#### Indlela yokusebenza

Lolu luhlelo lokufundisa. Asiniki amabandla imali ukuthi benze inhlelo lezi. Njengoba sizafunda emfundisweni elandelayo, siyadubeka hatshi ngoba siswele impahla zokusebenzisa. Njalo indlela esizaphuma ngayo ekudubekeni ayisiyo yokunikwa impahla yokusebenzisa. Uma ungakhangele impilo kaJesu, wayengela lutho lokunikela olubambekayo. Njekutsho kukaPetro ku-Imisebenzi 3:6 “Isiliva legolide kangilakho; kodwa lokho engilakho, ngikunika khona.” Thina esilakho lulwazi lemiqondo eikholwa ukthi izanceda isigaba sakho sisondele kusimo uNkulunkulu afuna sibe kuso. Sikholwa ukthi imfundiso le, ukuzinikela lokuzimisela kwenu, lamandla kaNkulunkulu awokwengeza azaletsa inguquko elizweni lethu.

Sifundisa yiloba ngubani ebandleni ukuze silincede libe lembono lolwazi eliludingayo ukuze lincede ukuthi kube lomehluko esigabeni.

## **Izihloko zemfundiso ezayo**

---

Phakamisa iphepha 7 elitshengisa izihloko zemfundiso elandelayo. Chasisa lezi zihloko esijonge ukuzifundisa, loba kungaba lokungaguquka.

Imfundiso 3 – indlela amandla kaSathane asiphazambanisa ngayo lokuthi siwanqoba njani

Imfundiso 4 – Impilakahle

Imfundiso 5 – Umendo lemuli

Imfundiso 6 – Ukugcina imali

Imfundiso 7 – itswayi lokukhanya

Imfundiso 8 – ukulima

Imfundiso 9 – ukutshumayeza izoni

Imfundiso 10- ukuphila ngokufisa kukaNkulunkulu

Ezinye izihloko – isibonelo, impilakahle, umendo lemuli, ukulima, lokugcina imali – zile mfundiso yamaqembu amancane engenziwa ebandleni lonke kumbe esigabeni sonke. Lisayenza lezi mfundiso, sizalifundisa indlela yokusebenzisa imbono le emabandleni lasezigabeni zenu. Sizalinika imqondo ehlukeneyo ukuthi lisebenzise.

# Isifundo sesitshiya ngalombili: amanyathelo alandelayo

## Imqondo emqoka

1. Kumele senze amacebo senze umsebenzi wethu ufnyilele amazwe wonke jikelele.

## Impahla yokusebenzisa

1. Amanothi 8.1 amanyathelo okuhlela izenzo zothando

## Kungani ukuhlela kuqakathekile

---

Umunzana Lim, umlimi, waphuma wesiyolungisela ukuhlanyela esnimini yakhe, kodwa esendleleni wakhumbula ukuthi umkakhe wayemcele ukuthi anike inkukhu ukudla, ngakho wabuyela endlini esiyonika inkukhu ukudla. Esanika inkukhu ukudla wakhangelela isibaya sembuzi wananzelela ukuthi kulapho esife khona. Wadideka ecabanga ukuthi uma kungalungiswa khonapho khonapho imbuzi zizabaleka. Ngoba wayengela okokusebenzisa wayakumakhelwane wakhe umnumzana Son, esiyocela okokusebenzisa. Njengoba wayesevele wavakatsha wathatha eminye imizuzu waxoxa lomnumzana Son, owayengumzalwane omutsha ebandleni ayezwe kuthwa usebunzimeni.

Ngo 11.30 unkosikazi kamnumzana Son wambuza ukuthi wayefuna na ukudla labo ukudla kwemini. Ebona ukuthi isikhathi sesihambile wacela uxolo waphangisa wayokudla lemuli yakhe. Ngemva kokuphumula kancane wabuyela wayolungisa isibaya sembuzi. Eseqeda ukulungisa unkosikazi wakhe wamkhumbeza ukuthi umtshina womthombo wawungasebenzi kuhle ngakho njengoba wayelokokusebenzisa kwakuyaba kuhle ahle alungise. Ilanga lisiya tshona wayesezaqeda ukulungisa umtshina womthombo. Wayengasambanga emasimini ukuyohlanyela, kodwa wezwa esuthiseka ngokucabanga ukuthi kusasa wayemele avuke eqedisela ukulungisa, abisele impahla zokusebenzisa kumakhelwane, abesesiya qala ke ukuhlanyela.

- Kwenzakaleni kule indatshana?
- Into azenzayo kwakuyizinto ezimbi kumbe yizinto okwakumele azenze?
- Yikuyini okuzenzakala uma umlimi lo engaqhubeka ephatha insimu yakhe ngalindlela ekele ukuqeda ukuhlanyela?
- Uyake ube lamalanga anje na?
- Singenzani ukuthi lokhu kungenzakali kithi?

Imsebenzi eminingi iqhuba njengelenga lomlimi lo. Siphathekile ngokwenza izinto, sisuka enkingeni le sisiyakwenye okokuthi izinto eziqakathekileyo zicina zingenzwanga kwezinye izikhathi ngoba siphathekile ngokwenza okuphuthumayo. Impumela iba yikuthi sicina sisehluleka ukuze izinto eziqakathekileyo empilweni. Okungakhathaza kakhulu yikuthi impilo zethu zihamba njengempilo yalumlimi. Siphathekile ngokusuka kulindawo sisiya kwenye singazinikanga isikhathi sokuthi sibone ukuthi yikuyini okuqakathekileyo. Into yokuqalal okumele siyikhethe yizinto eziqakathekileyo

okumele sizenze. Uma singabakwazi okuqakathekileyo siyenelisa ukukhetha indlela esizasebenzisa ngayo isikathi sethu.

Ubona angathi yikuyini okumqoka odinga ukukwenza kunyanga ezintathu ezilandelayo ukuthi uphumelele?

- Ukufundisa abanye – uma sifuna ukuthola izitho ezinengi zisebenza kumele sifundise ezinye izifundo esesivele sazifunda.
- Ukuhlanganisa izenzo zothando – kumele siqhubeke sisenza izenzo zothando ngezikhathi ezilandelekayo.
- Ukuhlangana ndawonye ngezikhathi ezilandelekayo.

## **Imihlangano**

---

Kumele ukhethe iqembu ozahlangana lalo ngezikhathi ezilandelekayo ukuthi lihlele izenzo zothando. Leli liqembu elifana leqembu elihola ibandla ngakho lokhu kungenzeka ngezikhathi zemihlangano yeqmebu elihola ibandla uma lelo qembu livele lihlangana ngamalanga athile ngenyanga.

- Kuyini okumele likwenze uma lingahlangana?
  - KHULEKANI – kungamandla kaNkulunkulu ukuthi sibone izigaba zethu ziguquka. Kumele sibe lesikhathi sikhuleka ndawonye uma siqinisile ngokufuna inguquko.
  - Khethani izenzo ezitsha zothando.
  - Cabanga ngamacebo awezinto ongazenza ukuthi uncede isigaba sakho.

Emhlanganweni wenu kumele lithathe isikhathi likhulekela njalo lixoxa ngezidingo zesigaba senu. Khulekani laziswe ukuthi kumele lincede yini lokuthi lincede njani. Kumele lizinike isikhathi sokukhangela isenzo sothando esenzwe ekucineni libone ukhti sahamba kuhle na, lizibuze ukuthi kuyini elingakuguqula kusenzo sothando esilandelayo.

## **Izenzo zothando**

---

Khangela imifanekiso yesigaba sakho oyenzileyo esifundweni sakuqala.

Ukhangele imifaneiso yonke, loba umbhalo wenguquko ezimqoka okumele zenzakale ukuthi umfanekiso ube liqiniso.

Liliqembu, khulekelani indlela yokwenza unguquko lezo zibe liqiniso. Khethani enye yezinguquko lihlele ndawonye isenzo sothando esingenziwa ukuthi linguquko ibe khona.

Balani ifomu lezenzo zothando (elisekhasini elilandelayo) lilungise uhlelo.

## Amanyathelo okuhlela isenzo sothando

### Inyathelo lokuqala: Umthandazo

Into yakuqala yokwenza yikuthandaza. Thatha isikhathi uthandaze. Cela uNkulunkulu akutshengise omele ukwenze esenzweni sakho sothando.

### Inyathelo lesibili: Ukukhetha umsebenzi wokwenza

Liliqembu, khethani lokho elingakwenza njengesenzo sothando. Khangelani eminye imbono eliyilobe phansi esifundweni esile nhloko ethi “UNkulunkulu ufuna ibandla lincediswe” lesithi “yiziphi ezinye izidingo esigabeni.” Lonke vumelanani, ngalokho elizwa uNkulunkulu alikhokhela ukuthi likwenze.

Uma selikhethile isihloko, libone ukuthi yinto elingayenza ngelanga elilodwa kumbe amabili. Uma kungenzeki lingenza inyathelo elilodwa kumbe amabili?

### Inyathelo lesithathu: Khethani okudingakalayo

Inyathelo elilandelayo ngelokuqala ukuhlela. Okwakuqala, kumele sikhethwe esikudingayo ukuze senze lowo msebenzi – kudingakala baphi abantu, iphi impahla yokusebenzisa, imvumo kabana lokunye. Ukukunceda ukuthi ucabange ngalokhu, ungasebenzisa iphepha lomsebenzi elisegwalweni lwenu lwabafundi. Ungagcwalisa ingxenye yakuqala ngalokhu okudingakalayo, sungakhetha ukuthi ngubani oyabe ekhangele lowomsebenzi lokuthi umele uphele ngaliphi ilanga.

### Inyathelo lesine: Loba phansi lolo hlelo

Bona ukuthi uhlelo lwakho luyayiphendula imbuzo elandelayo. (Uma izinga lemfundo yezifundi iphansi akudingeki ukuthi uhlelo lolu lulotshwe phansi, kodwa bona ukuthi imbuzo elandelayo ixoxwe ngayo)

- Lizakwenzani?
- Kudingakalani ukuthi likwenze? Lizakuthatha ngaphi?
- Lizanceda bani? Selimbuzile na?
- Ngubani ozaphathisa ekuncedeni?
- Lizakwenza nini?

### Inyathelo lesihlanu: Khuleka

Ungaqeda ukuloba uhlelo lwakho, thatha isikhathi sakho ukhuleke njalo. Cela uNkulunkulu akuncediswe ukuthi uqedise lumsebenzi lokuthi andise impumela. Khulekela ukuthi ibizo lakhe lidunyiswe. Ngeviki elandelayo kumbe amaviki amabili alandelayo usalungiselela umsebenzi wakho, umele ubukhulekela ukuthi uNkulunkulu akuncediswe kulowo msebenzi.

### Inyathelo lesithupha: wenze lowo msebenzi

Inyathelo elilandelayo ngelokwenza lokho okuhlelileyo. Qala ilanga lakho ngomkhuleko unikele imizamo yakho kuNkulunkulu. Khumbula ukuthi umsebenzi lo uwenzela ukuthi utshengise uthando lukaNkulunkulu esigabeni senu. Zama ukuba esimeni esivumelana lalumqondo.

### Inyathelo lesikhombisa: Hlola lumsebenzi unikeze umbiko

Inyathelo loku cina ngelokuhlola lokubika. Kungani kumele sihlale? Ngoba kuyasinceda ukuthi sifunde. Singacabanga ngalokho esikwenze kuhle lalapho okumele sinyukise izinga ngesikhathi esizayo. Lokhu akumelanga kuthathe isikhathi eside, lingathatha imizuzu emilutshwane lixoxe ngemibuzo le elandelayo:

- Kuyini okuhambe kuhle?
- Kuyini okungahambanga kuhle?
- Ungalungisisa ngaphi ehlelweni lolu?
- Impumela le yiyo okade uyikhangelele na? Uma kungayisiyo, kungani ingasiyo?
- UNkulunkulu udunyisiwe na?

Umbalisi wenu ulefomu lokuloba umbiko. Kungani siloba umbiko? KuMarko 6:30, sibona abafundi bebikela uJesu ngakho konke ababekwenzile. Siyabika ngoba kuyindlela yokuthembeka lokutshengisa ukubonga kulabo abasifundisileyo, labasilungisela impahla yokusebenzisa ezifundweni. Ukubika kukunika ithuba lokwaba lokho okwenzileyo unikeze ubufakazi bokuthi uNkulunkulu uyisebenzise njani imizamo yakho. Kunika ababalisi ithuba lokubona ukuba libe lenhluphona bathole indlela ezingcono zokulinceda kwelizayo.